



**GIZARTE EKIMENENKO  
LEGAZPIKO  
HAZTEGI IKASTOLA  
KOOP. ELK.**

# **I. KAPITULUA. IZENA, XEDEA, EGOITZA SOZIALA, IRAUPENA ETA LURRALDE-EREMUA**

## **1. ARTIKULUA. IZENA**

LEGAZPIKO HAZTEGI IKASTOLA, KOOP. ELK., izenarekin gizarte ekimeneko irakaskuntza-kooperatiba bat eratzen da Legazpin (20230), Euskadiko Kooperatiben Legea aldatzen duen ekainaren 29ko 1/2000 Legeak aldatzen duen ekainaren 24ko 4/1993 Euskadiko Kooperatiben Legeak ezarritako Printzipio eta Erabakien, legezko beste aginduen eta Estatutu hauen menpean.

## **2. ARTIKULUA. XEDEA**

Kooperatiba Elkartearen xedeak dira:

- a) Irakaskuntza arautuko zerbitzuak eskaintzea ziklo eta maila guztietan, bai eta irakaskuntza ez-arautuko zerbitzuak ere, bazkideek eskatzen dituztenak.
- b) Hezkuntza-eskaintza EUSKARA eta EUSKAL KULTURA sustatzera eta garatzera xedatuko da bereziki, eta izaera eleanitza izango du, euskara komunikaziorako oinarritzko hizkuntza gisa erabiliz, gaztelaniaren ezagutza osoa ere bermatuz, eta, era berean, beste hizkuntzen ezaguera bultzatuz. (ELEANIZTASUNA)
- c) Hezkuntza-zerbitzuak:
  1. Beharrezkoa den kalitate pedagogikoa bermatuko du, eta hobekuntza jarraituko prozesuak sustatuko ditu.
  2. PEDAGOGIA BERRITZAILE baten bidez, ikaskuntza ERAIKITZAILE eta ESANGURATSUA bultzatuko du, ikasleen HEZKUNTZA INTEGRALA bilatuz.
- d) Kooperatiba Elkarte honek IDEIA eta SINISMEN anitzak defendatuko ditu, bere inguruan finkaturik dauden ideia eta balore politiko, filosofiko eta erlijioso ezberdinekiko errespetu osoa indartuz.
- e) Kooperatiba Elkarte honek ezaugarritzat dituen IDENTITATE SEINALE guztiak NABARI daitezen, inguruko erakunde eta entitateekin elkarlanean arituko da.
- f) Eskola-eskaintza pedagogikoaz gain, elkarteak, aurreko puntuetan aipatutako xedeak lortzeko helburuarekin, kirolarekin, kulturarekin eta aisialdiarekin lotutako jarduera osagarriak eskainiko ditu.

- g) Kooperatiba Elkartea honen xedea da, halaber, ikasleen gurasoei zuzendutako zerbitzuak eskaintzea eta jarduerak sustatzea (guraso-eskola, hitzaldiak, topaketak, eta abar). Bereziki kontuan hartuko dira gurasoek ikastolako bizitza komunitarioan parte hartzea sustatzen dutenak, eta beren seme-alaben ikaskuntza-prozesuan eta umotze pertsonaleko prozesuan ekarpen arduratsua egitea bultzatzen dutenak.

Ikastolako hezkuntza-eskaintza irekia izango da, eta komunitate osora zuzenduko da. Zerbitzu publikoko bokazioa du, eta arrazoi ekonomikoek edota beste edozein motatako arrazoiek eragindako diskriminazio oro saihestuko du kooperatibak, irabazi-asmorik gabe jardunez.

### **3. ARTIKULUA. EGOITZA SOZIALA**

Egoitza soziala Legazpin (Gipuzkoa), Santikutz kaleko 5. zenbakian da, eta Artezkaritza Kontseiluak egoitza udalerrri barruan lekuz aldatzea erabaki ahal izango du.

### **4. ARTIKULUA. IRAUPENA ETA LURRALDE-EREMUA**

**BAT.-** Elkartearen iraupena mugagabeko denboraldirako jartzen da.

**BI.-** Kooperatibaren jardueraren lurralde-eremua Gipuzkoako Lurralde Historikora mugatzen da.

## **II. KAPITULUA. BAZKIDEAK**

### **5. ARTIKULUA. BAZKIDE IZAN DAITEZKEENAK**

#### **BAT.- Bazkide erabiltzaileak.**

- a) Kooperatiba honetako ikasle gisa onartuak izan diren seme-alaben edo tutoretzapekoen gurasoak edo familia-buruak, ordezkariak edo tutoreak.
- b) Adinez nagusiak diren ikasleak, Kooperatibak erabakiko dituen ikasturte eta baldintzetan.
- c) Herri-erabilerako erakunde publiko nahiz pribatuak, ongintzakoak barne, ikasle adingabeen edo ezinduen zaintza eta babes legala gauzatzen dutenean edota ikasle helduak ordezkatzeko dituztenean, beren menpeko zentro, egoitza edo establezimenduetan hartuta egoteagatik horien ordezkariak espresuki aitortu zaielako.

#### **BI.- Bazkide laguntzaileak.**

Elkartearen kooperatiba-xedea bete-betean aurrera eraman gabe ere, xede horren lorpenean lagun dezaketen eta gainerako bazkideekiko komuna den interesa ziurtatzen duten pertsona fisiko zein juridikoak.

#### **HIRU.- Lan-bazkideak.**

Beren lana kooperatiban gauzatu eta garatu dezaketen pertsonak, Estatutu hauek sinatzean onartzen diren eskubide eta betebeharren jakitun, horiek leialtasunez eta efikaziaz betetzeko konpromisoa hartzen dutenak.

Lan-bazkide izaera galtzea zehazten du kooperatiban lan egiteaz uzteak.

Lan-bazkideek behin betiko izaera izango dute, nahiz eta, horretarako aurreikusitako legezko mugen barruan, kooperatibarekiko behin-behineko lotura soziala izan dezakeen.

#### **LAU.- Bazkide inaktiboak edo ez-erabiltzaileak**

Kooperatibako bazkide erabiltzaileak eta lan-bazkideak, 16. artikuluan ezarritako antzintasun eta eskakizun formalak betez, bazkide erabiltzaile eta lan-bazkide izateari utzi, eta Kooperatiban bazkide inaktibo edo ez-erabiltzaile gisa sartzea eskatzen dutenak.

## **6. ARTIKULUA. ONARPENERAKO BETEBEHARRAK**

**BAT.-** Bazkide erabiltzaile baldintza eskuratzeko honako baldintza hauek bete beharko dira:

- a) Hemezortzi urte baino gehiago izatea edo nahikoa nortasun juridiko izatea.
- b) Kapital sozialerako ekarpenei buruzko konpromisoak onartzea eta bazkide hauentzako Estatutu hauetan ezartzen den edo Batzar Nagusian erabakitzen den eta indarrean dagoen hasierako derrigorrezko ekarpena egitea.
- c) Elkartearen Estatutu hauetan bazkide-mota honentzako ezartzen den parte-hartzeko konpromisoa onartzea.
- d) Kooperatibaren organo sozialek balio osoz hartutako erabakiak eta indarrean dagoen legedi kooperatiboa onartu eta errespetatzea, bai eta Elkartearen Estatutuok eta, kasuan kasu, Barne Araudia ere.
- e) Kooperatiban ikasle gisa sar daitezkeen seme-alabak edo tutoretzapekoak izatea, edo Kooperatibak eskaintzen duen zerbitzuaren edo irakaskuntzaren hartzaile izatea.
- f) Artezkaritza Kontseiluari zuzendutako eskabide idatzia aurkeztea.

**BI.-** Behin betiko lan-bazkide gisa onartua izateko, ondorengo baldintzak bete beharko dira:

- a) Bere lan-prestazioa kontratatzeko gai izatea.
- b) Kapital sozialerako ekarpenei buruzko konpromisoak onartu eta bazkide hauentzako Estatutu hauetan ezartzen den, edo Batzar Nagusian erabakitzen den eta indarrean dagoen hasierako derrigorrezko ekarpena egitea.
- c) Estatutu hauetan bazkide mota honentzako ezartzen den parte-hartzeko konpromisoa onartzea.
- d) Kooperatibaren organo sozialek balio osoz hartutako erabakiak eta indarrean dagoen legedi kooperatiboa onartu eta errespetatzea, bai eta Elkartearen Estatutuok ere eta, kasuan kasu, Barne Araudia ere.
- e) Eskaintzen zaion lanpostua burutzeko eskatzen den lanbide-gaitasuna edo titulazioa edukitzea eta, beharrezkoa balitz, proba-aldia gainditzea. Proba-aldi hau ez da sei hilabete baino luzeagoa izango. Hala ere, Artezkaritza Kontseiluak zehazten dituen lanpostuetarako, lanbide-eskakizun bereziak dituztelako, hamazortzi hilabete arteraino luza daiteke proba-aldia.

Proba-aldi horretan:

- Bai kooperatibak eta baita hautagaiek ere beren kabuz hautsi dezakete elkarrekiko harremana.
- Ezin izango dira hautagai izan, elkartearen organoetako karguetarako.
- Ez da hasierako ekarpena egitera behartuta egongo.
- Kooperatibak izan ditzakeen galerek edo irabaziek ez dute haiengan eraginik izango; mozkinen horrenbesteko bat kobratuko dute, ordea, soldatakoei ordaintzen zaien neurri berean.

f) Artezkaritza Kontseiluari zuzendutako eskabide idatzia aurkeztea.

**HIRU.-** Behin-behineko lan-bazkide gisa onartua izateko, ondorengo baldintzak bete beharko dira:

- a) Bere lan-prestazioa kontratatzeko gai izatea.
- b) Kapital sozialerako ekarpenei buruzko konpromisoak onartzea eta bazkide hauentzako Estatutu hauetan ezartzen den edo Batzar Nagusian erabakitzen den eta indarrean dagoen hasierako derrigorrezko ekarpena egitea.
- c) Estatutu hauetan bazkide-mota honentzako ezartzen den parte-hartzeko konpromisoa onartzea.
- d) Kooperatibaren organo sozialek balio osoz hartutako erabakiak eta indarrean dagoen legedi kooperatiboa onartu eta errespetatzea, bai eta Elkartearen Estatutuok eta, kasuan kasu, Barne Araudia ere.
- e) Eskaintzen zaien lanpostua burutzeko eskatzen den lanbide-gaitasuna edo titulazioa edukitzea.
- f) Baldintza guztiak jasotzen dituen sozietate-kontratu bat sinatzea. Kontratu horrek, gainera, espresuki zehaztu behar du Kooperatibarekiko sozietate-harremanaren iraupena.
- g) Artezkaritza Kontseiluari zuzendutako eskabide idatzia aurkeztea.

**LAU.-** Bazkide-laguntzaile gisa onartua izateko, ondorengo baldintzak bete beharko dira:

- a) Hemezortzi urtetatik gorakoa izatea edo beharrezkoa den legezko nortasuna edukitzea.
- b) Kapital sozialerako ekarpenei buruzko konpromisoak onartzea eta bazkide hauentzako Estatutu hauetan ezartzen den edo Batzar Nagusian erabakitzen den eta indarrean dagoen hasierako derrigorrezko ekarpena egitea.

- c) Estatutu hauetan bazkide-mota honentzako ezartzen den parte-hartzeko konpromisoa onartzea.
- d) Kooperatibaren organo sozialek balio osoz hartutako erabakiak eta indarrean dagoen legedi kooperatiboa onartu eta errespetatzea, bai eta Elkartearen Estatutuok eta, kasuan kasu, Barne Araudia ere.
- e) Artezkaritza Kontseiluari zuzendutako eskabide idatzia aurkeztea.

## **7. ARTIKULUA. ONARPENARI BURUZKO ERABAKIAK**

**BAT.** Bazkideak onartzeko erabakia Artezkaritza Kontseiluari dagokio.

**BI.** Bazkideak onartzeari buruzko erabakiak arrazoi zuzenez bakarrik mugatu ahal izango dira, honako hauetan oinarrituta:

- a) Zerbitzuak era egokian eskaintzeko Elkarreak duen ahalmenean.
- b) Kooperatibaren antolakuntza eta funtzionamendurako beharrezkoa den bazkide berrien premia objektiboan.

Bazkideak onartu edo baztertzeke ezin izango da Elkartearen xedearekin arrazoi gabeko edo bidegabekoa den bereizkeriaz baliatu.

## **8. ARTIKULUA. ONARPEN-PROZEDURA**

**BAT.** Onarpen-eskaria idatziz aurkeztu behar zaio Artezkaritza Kontseiluari. Honek eskaria hartu ondorengo 60 egunen barruan erabaki beharko du, eta onarpenaren aurkako erabakiak arrazoitua izan beharko du, betiere.

**BI.** Aipatutako epea igaro ondoren erabaki adierazirik eman ez bada, onartu egin dela pentsatu beharko da.

## **9. ARTIKULUA. ONARTZEKO ERABAKIEN KONTRAKO ERREKURTSOAK**

**BAT.** Eskariari ezetza ematen bazaio, eskarigileak Errekurtso Batzordeari jarri ahal izango dio errekurtsoa, ezezko erabakia jakinarazi zaionetik hasita hogeitun egun baliadun igaro baino lehen. Errekurtsoa Errekurtso Batzordean erabakiko da, errekurtsoa jasotzen denetik 30 eguneko epean, interesatuak dioena entzun ondoren, eta idatziz jakinaraziko zaio erabakia interesatuari.

**BI.** Onartzeko erabakiaren aurka Errekurtso Batzordeari jarri ahal izango zaio errekurtsoa, gutxienez bazkideen %10ek eskatuta, akordioaren jakinarazpenetik hogeitun egun baliaduneko epean.

Erabakia lan-bazkide bati buruzkoa denean, errekurtsua gutxienez lan-bazkideen %20k eskatuta aurkeztu ahal izango da.

Edozein kasutan, errekurtsua jasotzen denetik 30 eguneko epean erabaki beharko du Errekurtsio Batzordeak, interesatuak dioena entzun ondoren, eta idatziz jakinaraziko zaio erabakia interesatuari.

## **10. ARTIKULUA. ESKUBIDE ETA BETEBEHAR SOZIALEN HASIERA**

**BAT.** Eskubide eta betebeharrak sozialak onarpen-akordioa hartzen den egunetik hasiko dira eragina izaten.

Errekurtsioa aurkezten bazaio, akordioa indarririk gabe geldituko da, Errekurtsio Batzordeak erabaki arte.

**BI.** Proba-aldian dauden lan-bazkidegaiek, lan-bazkideek dituzten eskubide eta betebeharrak berberak izango dituzte, 6-Bi-e) artikuluan zehaztutako berezitasunekin.

## **11. ARTIKULUA. BAZKIDEEN BETEBEHARRAK**

**BAT.** Bazkideek honako betebeharrak izango dituzte:

- a) Batzar Nagusiaren eta deitzen dieten gainerako organoen bileretara joatea.
- b) Karguren baterako izendatu badute, hori onartzea, ez onartzeko arrazoi egokia dagoen kasuetan izan ezik.
- c) Kooperatibaren xedea osatzen duten jardueretan parte hartzea. Horretarako, ondoko gutxienezko parte-hartze arau edo modulu hauek ezartzen dira Kooperatibako bazkide-mota bakoitzarentzat:
  - Bazkide erabiltzaileentzat: beren seme-alaba edo tutoretzapekoak Kooperatibara bidaltzea, Kooperatiban eskaintzen diren irakaskuntza-zikloetan, edo eskatzen diren zerbitzuak erabiltzea. Era berean, une bakoitzerako ezartzen diren ekarpenak eta aldizkako kuotak ordaindu beharko dira.
  - Behin betiko lan-bazkideentzat: eskusiboki Kooperatiban lan egitea, betebeharrak horretatik liberatzeko arrazoi justifikatuak daudenean salbu. Balizko horietan Artekarrizta Kontseiluak erabakiko du.
  - Behin-behineko lan-bazkideentzat: Kooperatiban sinatutako kontratuaren arabera, eskusiboki edo partzialki bertan lan egitea, betebeharrak horretatik liberatzeko arrazoi justifikatuak daudenean salbu. Balizko horietan Artekarrizta Kontseiluak erabakiko du.



- Bazkide laguntzaileentzat eta bazkide inaktibo edo ez-erabiltzaileentzat: Kooperatibari laguntzeko eta kooperatibaren xede soziala garatzeko eta hobetzeko eskatzen zaizkion eginkizunak betetzeko prest egotea.
- d) Kooperatibak garatzen duen xedearekin lehian dagoen jarduerarik ez burutzea, ez eta burutzen dituztenekin lankidetzan aritzea, Artezkaritza Kontseiluak berariaz horretarako baimena ematen duen kasuetan salbu.
- e) Kooperatibaren jarduera eta datuak isilpean gordetzea, horien berri zabaltzeak kooperatibaren interesei kalte egin baldin badiezaieke.
- f) Kapital sozialerako ekarpenak egitea aurreikusitako baldintzen arabera, eta aldizkako kuotak ordaintzea zehazten diren epeetan.
- g) Galeren egozketan Batzar Nagusiak erabakitako kopuruarekin parte hartzea.
- h) Dei egiten zaienean, bazkide erabiltzaileek beren seme-alaba edo tutoretzapekoen arduradunek hitzartutako bileretara joan beharko dute, beren seme-alaba edo tutoretzapekoak kooperatiban gauzatzen ari diren ikasketetan zein egoeratan dauden edo zein aurrerapen egin dituzten azaltzeko eta jakinarazteko. Bilkuretara joan beharko dute, halaber, deialdia kooperatibako beste zerbitzuetako hartzaileei egiten zaienean.
- i) Lege eta Estatutu aginduetatik eta Kooperatibako organoek hartutako erabakietatik sortzen diren gainerako betebeharrak betetzea.

## **12. ARTIKULUA. BAZKIDEEN ESKUBIDEAK**

**BAT.** Bazkideek honako eskubideok izango dituzte:

- a) Kooperatibako organoetako karguetarako hautagaiak hautatzea edo horietarako hautatua izatea.
- b) Batzar Nagusian edo batzarkide diren gainontzeko organoetan hartuko diren akordio guztietan proposamenak egitea eta hitz eginez eta botoa emanaz parte hartzea.
- c) Kooperatibako jarduera guztietan bereizkeriarik gabe parte hartzea.
- d) Hurrengo artikuluan aurreikusitakoaren kaltetan izan gabe, eskubideak gauzatzeko eta betebeharrak betetzeko beharrezkoa den informazioa jasotzeko eskubidea.
- e) Bidezkoa bada, kapital sozialean egindako ekarpenak eguneratu eta itzultzea eta ekarpenen interesak jasotzea.

- f) Bazkide erabiltzaileek, aldizka, kooperatibak horretarako izendatutako arduradunaren bidez, beren seme-alaba edo tutoretzapekoen bilakaeraren berri izatea, aurretik hitzartutako bilera pertsonalizatuaren bidez. Informazio eta arreta hori kooperatibako beste zerbitzuetako erabiltzaileei ere eskainiko zaie.
- g) Kooperatibako organo sozialek balio osoz hartutako erabakiak betearaztea.
- h) Lege eta estatutuen ondoriozko gainontzekoak.

**BI.** Eskubide hauek bazkide guztiek izango dituzte eta Kooperatibako organoek balio osoz onartutako akordioen eta indarreko arauen arabera erabiliko dira.

### **13. ARTIKULUA. INFORMAZIOA JASOTZEKO ESKUBIDEA**

**BAT.** Bazkideek legean, estatutuetan edo Batzar Nagusiaren erabakietan xedatutakoaz baliatuz erabili ahal izango dute informazioa jasotzeko eskubidea, eta, horietan guztietan, egoki iritzitako bideak jarri ahal izango dira bazkideen eskubide hau bideratzea erraztu eta gauzatzeko.

**BI.** Bazkideak hurrengo eskubideak ditu:

- a) Kooperatibaren Estatutu Sozialen eta Barne Araudiaren kopia bat eskatzea.
- b) Kooperatibako Bazkideen Errolda Liburua eta Batzar Nagusiaren bilera-agirien liburua aztertzea. Eskaera arrazoitua eginez gero, Batzar Nagusiko bilera-agiriaren eta bertan hartutako akordioen kopia ziurtatua jasotzea, baita bazkide-erroldako liburuan egindako izen-emateen ziurtapena ere.
- c) Artezkaritza Kontseiluak harturiko —eta bazkideari berari dagozkion— erabakien kopia ziurtatua eskatzea.
- d) Kooperatibarekin duen egoera ekonomikoaz informazioa eskatuko balu, Artezkaritza Kontseiluak hilabeteko epean eman egin beharko dio.

**HIRU.** Kooperatibaren jarduera edo emaitzetako edozein alderdiri buruz, beharrezkotzat jotzen dituen argitasunak edo txostenak Artezkaritza Kontseiluari idatziz eskatu ahal izango dizkio. Idazkia aurkezten denetik hamabost egunera egingo den lehendabiziko Batzar Nagusian eman beharko da erantzuna.

**LAU.** Urteko kontuez edo edozein proposamen ekonomikoaz eztabaidatuko den Batzar Nagusian, bazkideek hitzez eskatu ahal izango dituzte hauei buruzko azalpen eta argibideak, eta, horretarako, kontuak agertzen dituzten dokumentuek agerian jarriarik egon beharko dute Kooperatibaren egoitza sozialean, deialdiaren epean zehar bazkideek aztertu ahal izan ditzaten.

Epe horretan, halaber, egoitza sozialean bertan, bazkideek Artezkaritza Kontseiluaren txostena, eta, kasuan kasu, kanpoko kontu-ikuskaritzaren txostena, aztertu ahal izango dituzte.

Epe honetan zehar eta Batzarra ospatu baino bost egun lehenagoko epean, aipaturiko azalpenak Batzarrean bertan erantzun daitezten, idatziz eskatu ahal izango dituzte.

**BOST.** Aurreko atalean xedatutakoa baztertu gabe, boto guztien %10 gutxienez biltzen duten bazkideek beharrezkotzat jotzen duten informazioa idatziz eskatu ahal izango dute noiznahi. Artezkaritza Kontseiluak gehienez ere hogeita hamar eguneko epean eman beharko du informazio hori idatziz.

**SEI.** Edonola ere, Artezkaritza Kontseiluak Kooperatibaren aldagai sozio-ekonomiko nagusien berri eman beharko die bazkideei hiru hilabete oro gutxienez, egokitzat jotzen dituen bideak erabiliz.

**ZAZPI.** Artezkaritza Kontseiluak informazioa emateari uko egin ahal izango dio, eskaria gehiegizkoa edo oztopagarria baldin bada edo informazioa ematea Kooperatibaren zilegizko interesentzako arriskutsua baldin bada bakarrik. Hala ere, salbuespen hau ez da bidezkoa izango ukatutako informazioa Batzar Nagusian eman behar denean eta informazio-eskaera bertan dauden eta ordezkaturik dauden bazkideen erdiak baino gehiagok babesten duenean, eta, gainerako balizkoetan, informazio-eskatzaileek ezarritako errekurtsoren ondorioz Errekurtsio Batzordeak horrela erabakitzen duenean.

Artezkaritza Kontseiluaren ezetzari aurka egin ahal izango diote eskari-egileek, Ekainak 24ko 4/1993 Legearen 25. artikuluan xedatutakoaren arabera.

**ZORTZI.** Ondoko garantia-sistema hau ezartzen da:

- a) Informazioa eskatzen duten bazkideek eskaria izenpetu beharko dute, beren nortasuna behar bezala ezagutarazi eta eskariaren arrazoiak bertan azaldu.
- b) Eskaria bazkide guztien %20k gutxienez izenpetzen badu, Artezkaritza Kontseiluak ezezko erabakia hartu ahal izateko, bi hereneko gehiengo kualifikatua beharko du.
- c) Informaziorik ez emateko Artezkaritza Kontseiluak hartutako erabakiaren aurka egin daiteke Errekurtsio Batzordearen aurrean, erabakia hartzen denetik hogeitasei eguneko epean.

Errekurtsio Batzordeak errekurtsioa jasotzen duenetik 30 eguneko epean erabaki beharko du, errekurtsogileak edo, kasuan kasu, gehienez bost kidez osatutako errekurtsogileen ordezkariak dioena entzun ondoren.

**BEDERATZI.**- Zehazki, Entitatearen desegitearekin, Kooperatibaren hezkuntza-jarduerak uztearekin, hezkuntza-titularitatearen edo Kooperatibaren ondarea edozein organismo publiko nahiz pribaturik uztearekin loturiko edonolako gestio edo ekimenik egiten badu

Kooperatibak, berehala eman beharko die horien berri Zaintza Batzordeari eta egingo den lehenengo Batzar Nagusiari.

#### **14. ARTIKULUA. BAZKIDEAREN BORONDATEZKO BAJA**

**BAT.-** Bazkide oro nahi duenean irten ahal izango da kooperatibatik bere borondatez, idatziz ohartarazi behar diolarik Artezkaritza Kontseiluari —hiru hileko aurrerapenez pertsona fisikoek eta urtebeteko aurrerapenez pertsona juridikoek—.

**BI.-** Aurrez abisu emateko epea ez betetzea, edo kooperatiban bazkide izatea eskatzen den gutxieneko epea bete gabe baja ematea, arrazoitu gabeko bajatzat hartuko da, Artezkaritza Kontseiluak, kasuaren zergatiak aztertuta, bestelakorik erabaki ezean. Edonola ere, bazkideari Kooperatiban egin beharreko lan eta zerbitzu guztiak betearazteko aukera ere bada, eta baita kalte-ordainak eskatzeko aukera ere.

**HIRU.-** Bazkide-izaera galtzeak jarduera uztea (lan-bazkideak), zerbitzuak erabiltzeari uztea (bazkide erabiltzaileak), kooperatibarekiko lankidetza uztea (bazkide laguntzaileak) edo partaidetza uztea (bazkide ez erabiltzaileak edo inaktiboak) dakar berarekin.

#### **15. ARTIKULUA. BAZKIDEAREN DERRIGORREZKO BAJA**

**BAT.-** Kooperatiben Legean nahiz Estatutu hauetan ezarritako eskakizunen bat galtzen duen bazkidea derrigorrez baja izango da. Bazkideen derrigorrezko bajak gauzatzeko kausak ondorengoak izango dira:

- Bazkide izateko legezko baldintzak galtzea.
- Elkartearikiko harremanaren zehaztutako iraupena amaitzea.
- Kapital sozialean egiteko derrigorrezko ekarpenei buruzko betebeharrak ez betetzea.
- Batzar Nagusiaren erabakia, ekonomia, teknologia edo ezinbesteko arrazoiak direla eta.
- Legez ezarritako adinean erretiratzea, lan-bazkideen kasuan.
- Guztizko ezintasun iraunkorra, lan-bazkideen kasuan.
- Erabateko ezintasun iraunkorra, lan-bazkideen kasuan.
- Egozpena.
- Heriotza.

**BI.-** Artezkaritza Kontseiluak erabakiko du, kaltetuarekin hitz egin ondoren, derrigorrezko baja, beren kabuz, beste edozein bazkidek eskatuz gero edo baja hartu beharko duenak berak hala eskatuz gero.

**HIRU.-** Artezkaritza Kontseiluaren akordioa bete egin beharko da behin Batzar Nagusiak berretsi ondoren, edo horiei errekurtsioa aurkezteko epea bukatuz gero.

**LAU.-** Bazkide izateko baldintzak galtzen direnean derrigorrezko baja arrazoizkotzat hartuko da, baina ez baldintza horrek kooperatibarekiko betebeharrak bete nahi ez direlako edo derrigorrezko bajaz behar ez bezala baliatu nahi delako galdu badira.

**BOST.-** Bazkide bat ez badago ados Artezkaritza Kontseiluak bere borondatezko bajaren edota derrigorrezko bajaren kalifikazioari edo ondorioei dagokionez hartutako erabakiarekin, bazkide horrek errekurtsioa aurkeztu ahal izango du, Estatutu hauetako 21. artikuluko Bi eta Lau ataletan xedatutakoaren arabera.

## **16. ARTIKULUA. BAZKIDE INAKTIBOAK EDO EZ-ERABILTZAILEAK**

Gutxienez bi urteko antzintasuna izanik, eta edozein kausa justifikatu dela-eta, kooperatiban behin betiko lan egiteari uzten dioten lan-bazkideek, eta seme-alabarik edo tutoretzapekorik ez dutelako kooperatibak eskaintzen dituen zerbitzuak erabiltzeari utzi dioten bazkide erabiltzaile gurasoek edo kooperatibak eskaintzen dituen zerbitzuak erabiltzeari dagoeneko utzi dioten bazkide erabiltzaile ikasleek, bazkide inaktibo eta ez-erabiltzaile izaera eskuratuko dute, hurrenez hurren, betiere ondoko arau hauetara egokitzen direnean:

- a) Artezkaritza Kontseiluari espresuki eskatu beharko diote, laneko bajarekin batera lan-bazkideen kasuan, eta bazkide erabiltzaile gisako baja eskaerarekin batera. Erabakia Artezkaritza Kontseiluak hartuko du; Errekurtsio Batzordearen aurrean inpugnatu ahal izango da, eta ez legoke aurreragoko errekurtsorik.
- b) Kooperatibaren martxaz informatuak izateko eskubidea izango dute eta Batzar Nagusian parte hartzeko ere bai, baina honetan, hauen botoek ezin izango dute boto sozial guztien hamarrena baino gehiago osatu.
- c) Gainerako eskubide eta betebeharren erabilera, bazkide erabiltzaileei aplikatzen zaizkien kideko irizpideen arabera burutuko da.

## **17. ARTIKULUA. BAZKIDE LAGUNTZAILEAK. ESKUBIDEAK ETA BETEBEHARRAK**

**BAT.-** Elkartearen Kooperatiba-xedearen lorpenean, eremu sozial nahiz kooperatiboan, lagun dezaketen pertsona fisiko edo juridikoak izango dira bazkide laguntzaileak.

**BI.-** Bazkide laguntzaileak onartzeko erabakiak, behin-behinekoak izan daitezkeenak, Artezkaritza Kontseiluak hartuko ditu eta egingo den lehen Batzar Nagusian berronetsiko dira.

**HIRU.-** Artezkaritza Kontseiluak hartutako erabakiek onartutako bazkideen elkarlan baldintzak eta gainontzeko eskubide eta betebeharrak finkatuko dituzte. Dena den, 11. eta 12. artikuluetan aipatzen diren eskubide eta betebeharrak izango dituzte, baldin eta bat badatoz adostutako elkarlan eta gainerako baldintzekin.

**LAU.-** Bazkide hauen botoen baturak, elkarte kooperatiboak ez diren bitartean, inolaz ere ezin izango du eduki botoen herena baino gehiago, ez Batzar Nagusietan ezta Artezkaritza Kontseiluan ere.

### **III. KAPITULUA. DIZIPLINA-ARAUBIDEA**

#### **18. ARTIKULUA. BAZKIDEEN HUTSEGITE-MOTAK**

**BAT.-** Bazkideen hutsegite sozialak, duten garrantziaren eta maleziaren arabera, oso larriak, larriak eta arinak izan daitezke.

**BI.-** Hutsegite sozial oso larriak izango dira:

- a) Kooperatibaren interes material edo ospe sozialari kalte nabarmena egin diezaioketen egintzak edo jarduerak zertzea, hala nola elkarteari lehia egiten dioten eragiketak bultzatzea, ekarpenetan edo prestazioetan iruzur egitea eta Artezkaritza Kontseiluko kideei edota elkartearen ordezkariari begirune falta nabaria izatea.
- b) Dokumentuak, sinadurak, zigiluak, ikurrak eta antzeko datuak faltsifikatzea, kooperatibak bazkideekin edo hirugarrenekin dituen harremanetarako garrantzizkoak izanik.
- c) Kooperatibaren ezkutuko dokumentuen isilpekotasuna haustea, edota derrigorrez isilean gorde beharreko datuak kanpotarrei erakustea.
- d) Artezkaritza Kontseiluari eta Zaintza Batzordeari, edo horietako kideei dagozkien egitekoak nork beretzat hartzea.
- e) Bazkide izaeraz aprobeztatuz, jarduera espekulatiboak edo legearen aurkako jarduerak garatzea.
- f) Estatutu Sozial hauetako 11. artikuluan ezarritako obligazioak behin eta berriro ez betetzea, edo kooperatibaren interes material edo ospe sozialari kalte nabarmena egin diezaioketen egintzak edo jarduerak zertzea.
- g) Kooperatibako beste bazkideei edota -kasuan kasu- langileei, ahoz edo ekintzez egindako tratu txarrak, Elkartearen organoen batzarretan edota helburu soziala garatzeko beharrezkoak diren lanak, jarduerak edo eragiketak burutzean.
- h) Hutsegite larrietan berrerortzea, urtebeteko epearen barruan.

**HIRU.-** Hutsegite sozial larriak izango dira:

- a) Batzar Nagusira, dei egin ondoren, bidezko kausarik gabe ez agertzea, azken hiru urteetan aipatutako organoaren bilkuretara ez agertzeagatik bi aldiz hutsegite arinagatik zigortua izan denean.
- b) Kargu sozialetarako aukeratuak izan ondoren, arretaz ez betetzea kargu horiek.
- c) Hutsegite arinetan berrerortzea, urtebeteko epearen barruan.

**LAU.-** Hutsegite arinak izango dira:

- a) Deia jaso arren, ez joatea, bidezko arrazoirik gabe, Batzar Nagusietara.
- b) Jakinarazpenei dagokien helbidea aldatzekotan, Kooperatibako idazkariari aldaketa hori ez jakinaraztea, gertatu eta bi hilabeteko epearen barnean.
- c) Ezin desenkusatzeko ez-jakitegatik Estatutu eta Araudietako aginduak eta funtzionamendu-arauak ez betetzea, behin behintzat.

**BOST.-** Lan-bazkideen laneko hutsegiteak, hau da, lana egitearekin erlazionaturiko edo bertatik eratorritako ekintzak edo ez-egiteak, Kooperatibaren Barne Araudian arautuko dira, badin eta hutsegite horiek arautzen ez badira Ikastolen Hitzarmen Kolektiboan. Hala ere, hutsegite hauen diziplina-espedienteetan jarraitu beharreko prozedurak araudi berezia izango du; araudi berezi hori Batzar Nagusiko akordio espresaren bidez edo Barne Araudiaren bidez onartuko da.

## **19. ARTIKULUA. HUTSEGITE SOZIALENGATIKO ZIGORRAK**

**BAT.-** Falta arinengatik: Idatzizko ohartarazpena eta/edo indarrean dagoen hasierako nahitaezko ekarpenaren %10 arteko diruzko zigorra.

**BI.-** Falta larriengatik: Lehenengo ataleko guztiak; indarrean dagoen hasierako nahitaezko ekarpenaren %20 arteko diruzko zigorra; hurrengo bi urtetako hauteskundeetan Kooperatibako edozein organo sozialeko kide izateko desgaitzea.

**HIRU.-** Falta oso larriengatik: Lehenengo eta bigarren ataleko guztiak; indarrean dagoen hasierako nahitaezko ekarpenaren %50 arteko diruzko zigorra; egozpena.

## **20. ARTIKULUA. ZIGOR-PROZEDURA**

**BAT.** Hutsegite sozialak direla-eta bazkideak zigortzeko, kasu orotan, ondoko arau hauen arabera espediente egokia irekiko da:

- a) Hutsegite arinetan, Artezkaritza Kontseiluak, hutsegite-mota honetan barne hartzen diren gertaera edo ekintzen berri duenean, instruktore bat hautatuko du. Instruktore hori arduratuko da, kasuan kasu, erruduntzat jotako bazkidearen aurkako karguen plegua formulatzeaz. Bazkide horri hutsegitearen behin-behineko kalifikazioa eta zigor-proposamena jakinaraziko zaizkio idatziz. Bazkideak deskargua egin ahal izango du jakinarazpenetik hasi eta 10 eguneko epean. Deskargua Artezkaritza Kontseiluari aurkeztu beharko dio bazkideak. Azkenik, organo honek, behin betiko kalifikazioa eta zigorra erabaki aurretik, interesatuari entzun beharko dio nahitaez. Horren ondoren erabakiko ditu, interesatua Artezkaritza Kontseiluaren deialdira aurkeztuko ez balitz salbu, Artezkaritza Kontseiluak dagokion behin betiko kalifikazioa eta zigorra, gehienez ere hilabeteko epean. Hori guztia Euskadiko Kooperatiben Legeko 49.



artikuluan xedatzen den prozesu-izapidearen bidez aurka egiteko aukeraren kaltetan izan gabe.

- b) Hutsegite larri edo oso larrietan jarraituko den prozedura hutsegite arinetarako aurreikusitakoaren berdina da, salbuespen batekin: Artezkaritza Kontseiluaren zigor-erabakiari errekurtsa jarri ahal izango zaio, eta ez du kooperatiba barruko bidea agortzen. Artezkaritza Kontseiluaren zigor-erabakiaren aurka Errekurtsa Batzordeari jarri ahal izango zaizkio errekurtsak, zigorraren jakinarazpena egiten denetik hasita 30 egun igaro baino lehen. Errekurtsa Batzordeak, interesatuari entzun ondoren —nahita agertzen ez bada salbu—, Artezkaritza Kontseiluak ezarritako kalifikazioa eta/edo zigorra berretsi edo aldatuko ditu, errekurtsa aurkeztu ondorengo hogeita hamar eguneko epean. Errekurtsa Batzordearen akordioak kooperatiba barruko bidea agortzen du; hala ere, bazkideak Errekurtsa Batzordearen aurka egin dezake Euskadiko Kooperatiben Legeko 39. artikuluan xedatzen den prozesu-izapidearen bidez.

**BI.-** Hutsegite arinak hilabetera geratuko dira indarririk gabe, larriak bi hilabetetara eta oso larriak hiru hilabetetara.

Indargabetze-epaia Artezkaritza Kontseiluak hutsegitea izan dela jakiten duen egunetik aurrera hasiko da, edo, bestela, izan denetik hamabi hilabetetara.

Epe hau eten egingo da zigor-bidezko jardunbideari hasiera ematean eta berriz ere jarraituko du lau hilabetearen erabakirik ematen eta jakinarazten ez bada.

**HIRU.-** Errekurtsa jartzeko epea errekurtsorik jarri gabe amaitzen denetik aurrera edo behin betiko erabakia hartzen denetik aurrera izango dira eraginkorrak zigor guztiak.

## **21. ARTIKULUA. EGOZPENA**

**BAT.-** Egozpena Estatutuetan aurreikusitako hutsegite oso larriengatik erabaki ahal izango du Artezkaritza Kontseiluak, horretarako izapidetutako espedientearen bidez eta interesatuari entzun ondoren.

**BI.-** Egozpen-erabakiaren kontra bazkideak errekurtsa ezarri ahal izango du, jakinarazpena hartu zuenetik hogeita hamar eguneko epearen barruan, Errekurtsa Batzordearen aurrean.

Errekurtsa Batzordearen aurrean egindako errekurtsa, aurkeztu eta hiru hilabeteko epearen barruan erabaki beharko da, interesatuari entzun ondoren. Epe hori erabakirik hartu gabe edo jakinarazpenik egin gabe agortzen bada, errekurtsa onartu dela ulertuko da.

**HIRU.-** Errekurtsa Batzordearen berrespenaren jakinarazpena jasotzen denetik edo errekurtsa ezartzeko epea amaitzen denetik aurrera, egozpen-erabakia eraginkorra izango da.

Hala ere, lan-bazkideak kooperatiban lan egiteari utziko dio Artezkaritza Kontseiluaren egozpen-erabakiaren datatik. Behin-behinekoz gordeko du lan-aurrerapenerako eskubidea, lanean arituko balitz bezala.

**LAU.-** Egozpen-erabakiari, Errekurtsio Batzordeak berretsi ondoren, aurka egin ahal izango zaio, jakinarazpenetik hasita bi hilabeteko epean, Euskadiko Kooperatiben Legeko 39. artikuluan aipatzen den prozesu-bidearen bidez.

**BOST.-** Era berean, lan-bazkideak egotzi ahal izango dira, Ikastolen Hitzarmen Kolektiboan edo Barne Araudian aurreikusitako hutsegite oso larriak egiteagatik. Barruko errekurtsioak agortuz gero, egotzitako lan-bazkideak Lan Arloko Jurisdikziora jo dezake; horretarako, egozpen-akordioaren jakinarazpenak kaleratze-gutunaren balio bera izango du.

## **22. ARTIKULUA. BARNE-FUNTZIONAMENDUAREN ANTOLAMENDUARI BURUZKO OINARRIZKO ELEMENTUAK**

**BAT.-** Laneko antolamendu eta lan-bazkideen ordainsariari buruz, ondorengoak dira oinarrizko elementuak:

- a) Laneko antolamendu eta diziplinaren egikaritzea eta aplikazio praktikoa Zuzendari-Kudeatzaileari dagokio, Artezkaritzea Kontseiluak emandako ordezkartzaren arabera.
- b) Lan-bazkideak, betetzen duten lanpostuaren arabera eta horien efikaziaren edo errendimenduaren arabera jasoko dituzte lan-aurrerakinak.
- c) Lan-bazkideek lan-aurrerakinak aldizka jasotzeko eskubidea izango dute; aurrerakin hori ez da inola ere izango hilabeteko konputuan lanbide-arteke gutxieneko soldata baino txikiagoa.
- d) Kooperatibaren emaitza ekonomikoen kontura maiztasun batez ordaintzen diren diru-kopuruak dira lan-aurrerakinak, eta, horrenbestez, ez dute soldata-izaerarik. Hauen zenbateko maila, beraz, esandako emaitzen arabera izango da.
- e) Lan-aurrerakinak, urtean lan egin beharreko orduak eta 4/1993 Legeko 101-2 artikuluan aipatutako gainerako alderdiak Artezkaritzea Kontseiluak erabakiko ditu, gai horiei buruz Ikastolen Hitzarmen Kolektiboan ezarritakoa errespetatuz. Hala ere, lan-aurrerakinen gehieneko zenbatekoa ezingo da izan ordainsarien ehuneko berrogeita hamar baino handiagoa, oinarri gisa hartuz Ikastolen Hitzarmen Kolektiboak, jarduera eta kategoria profesionalen arabera, soldatako langileentzat ezarritako ordainsaria.

**BI.-** Pertsona fisikoei dagozkien zergen arloa lan-bazkideen konturakoa izango da, eta inolaz ere ezingo du Kooperatibak subrogatu.

**HIRU.-** Lan-bazkideen Lan Erregimenaren inguruko gaiak Ikastolen Hitzarmen Kolektiboan ezarritakoaren arabera arautuko dira; behar izanez gero, lan-bazkideek kooperatibarekin duten sozietate-erlaziora egokituko dira, bai Kooperatibaren Barne Araudian, bai Batzar Nagusiko akordio espresaren bitartez.

**LAU.-** Gizarte Segurantzaren onuraz baliatu ahal izan daitezten, lan-bazkideak —bai finkoak, bai proba-aldian daudenak— Gizarte Segurantzako Erregimen Orokorrean sartzea aukeratu du kooperatibak.

**BOST.-** Kooperatibako soldatako langileek ezingo dute hitzarmen kolektibo aplikagarrian jardueraren eta kategoria profesionalaren arabera ezartzen den soldataren ehuneko ehun eta berrogeita hamar baino gehiagoko soldatarik jaso.

## **IV. KAPITULUA KOOPERATIBAREN ORDEZKARITZA ETA KUDEAKETA**

### **23. ARTIKULUA. ELKARTEKO ORGANOAK**

**BAT.-** Kooperatibako organoak hauek izango dira:

- a) Batzar Nagusia.
- b) Artezkaritza Kontseilua.
- c) Zaintza Batzordea.
- d) Errekurtso Batzordea.
- e) Kontseilu Soziala.

**BI.-** Kooperatibak bere operatibotasun eta garapenerako komenigarritzat jo bezainbat organo sortu ahal izango du, kasuan kasu zehazten diren funtzio eta ahalmenekin, legeak espresuki emandakoak izan ezik.

Zehazki, kooperatibak Administrazio Publikoarekiko hezkuntza-kontzertuen erregimenean horri dagokionez ezartzen diren eskakizunak betetzeko behar hainbat organo edukiko ditu.

### **24. ARTIKULUA. BATZAR NAGUSIA**

**BAT.** Batzar Nagusia bazkideen batzarra da, bere eskumeneko gaiak eztabaidatu eta erabakitzekeo bildua.

Batzar Nagusiak hartutako erabakiek hartzen diren egunean bertan izango dute eragina eta bazkide guztiek bete beharko dituzte.

**BI.** Jarraian datozen arloetan akordioak hartzea Batzar Nagusiaren ardura izango da soil-soilik:

- a) Artezkaritza Kontseiluko, Zaintza Batzordeko, Errekurtso Batzordeko eta Kontseilu Sozialeko kideak eta kitatzaileak izendatu eta kargutik kentzea, ezkutuko bozketaren bidez.
- b) Kontu-ikuskatzaileak, arrazoi zuzenez, izendatu eta kargutik kentzea.
- c) Elkartearen kudeaketa aztertu, urteko kontuak onartu eta soberakinak nola banatu eta galerak nola egotzi erabakitzea.
- d) Derrigorrezko ekarpen berriak erabakitzea eta kapitalean egindako ekarpenek eta aldizkako eta aparteko kuotek sortzen dituzten interesak finkatzea.
- e) Kooperatibaren Estatutuak aldatzea.

- f) Bigarren mailako kooperatibak, kooperatiba-bazkunak eta antzeko erakundeak eratzea.
- g) Kooperatiba beste batzuekin bateratu, banatu, eraldatu edo desegitea.
- h) Kooperatibaren ekonomia, antolaketa eta egitekoen egituretan oinarrizko aldaketak eragin ditzaketen ondorengo erabakiak hartzea:
  - Kooperatiba hezkuntza-sare publikoan sartzea.
  - Kooperatibaren ondasun aktibo eta pasiboak besterentzea.
  - Elkartearen helburua aldatzea, Kooperatiba sortzeko unean indarrean zeuden jarduerak desagerrarazten badira.
  - Kooperatiba-maila aldatzea.
  - Indarrean dagoen legeditik edo Estatutu hauetatik eratorritako beste edozein.
- i) Kooperatibaren Barne Araudia onestea eta aldatzea.
- j) Legeak hala ezartzen duen gainontzekoetan, erabakiak hartzea.

**HIRU.** Batzar Nagusiak kooperatibarentzat interesgarriak diren gai guztiez eztabaidatu ahal izango du, baina behartze-indarreko erabakiak, lege honen arabera, soilik elkarteko beste organo baten aginpidekoak ez diren arloetan bakarrik hartu ahal izango ditu.

**LAU.** Artikulu edo legezko arau honen arabera Batzar Nagusiari dagozkion aginpideok ezingo dira eskuordetu, artikulu honetako Bi puntuko f) atalean zehaztutako kooperatibak integratzeko prozesuetarako aurreikusitakoetan izan ezik.

## **25. ARTIKULUA. BATZAR NAGUSIRAKO DEIALDIA**

**BAT.-** Ohiko nahiz Ohiz Kanpoko Batzar Nagusirako deialdia Artezkaritza Kontseiluak egingo du.

**BI.-** Ohiko Batzar Nagusirako deia elkartearen ekitaldia amaitu eta hurrengo sei hilabeteak igaro baino lehen egin beharko da. Epe hori igaro eta deialdirik izaten ez bada, edozein bazkidek notario bidez, edo beste edozein bide fede-emaile erabiliz, deia egin dezatela eskatu ahal izango dio Artezkaritza Kontseiluari. Eskaera jaso denetik hamabost egun igaro eta deirik egiten ez badu, bazkideak batzarrerako deia egin dezala eskatu ahal izango dio elkartearen egoitza dagoen lekuko lehen auzialdiko epaileari. Honek deia egin eta batzarreko burua nor izango den erabakiko du. Batzar Nagusi hau epez kanpo deitutakoa izan arren, ohikoa izango da.

**HIRU.-** Ohiz Kanpoko Batzar Nagusia noiznahi bilduko da, Artezkaritza Kontseiluak deia eginez edo Zaintza Batzordeak nahiz boto sozialen gutxieneko %20 ordezkatzan duten bazkideek eskatuz. Eskaera Artezkaritza Kontseiluari modu fede-emaile batez egin beharko zaio. Eskaera horrek aztergaiak eta eztabaidatu beharreko proposamenen gai-zerrenda barne hartuko ditu. Eskaera jaso denetik hogeita hamar eguneko epearen barruan batzarrerako deialdia egingo ez balitz, deialdi judiziala eskatu ahal izango da aurreko atalak aurreikusten duenaren arabera.

**LAU.-** Boto guztien ehuneko hamar baino gehiago ordezkutzen duten bazkideek, deialdia egin eta hurrengo bost egunak igaro baino lehen, gai-zerrendan gai bat edo gehiago sartzeko eskatu ahal izango dute, Artezkaritza Kontseiluari zuzendutako idatzi baten bidez. Artezkaritza Kontseiluak gai horiek kontuan hartu beharko ditu, eta gai-zerrenda berria argitaratu beharko du, legeak eskatzen duen bezala, Batzar Nagusia izan baino lau egun lehenago gutxienez. Batzarraren bilera-eguna ezin izango da inola ere atzeratu.

**BOST.-** Batzarrerako deia Elkartearen egoitza sozialean eta dituen ikastetxe desberdinetako iragarki tauletan iragarri egingo da. Era berean, Gipuzkoako lurralde historikoan argitaratzen diren eta zabalkunde handia duten bi egunkaritan argitaratuko da, legez-berriaren nahitaezkoa den kasuetan.

**SEI.-** Deialdiaren argitarapena edo jakinarazpena, gutxienez hamar egun eta gehienez hirurogei egun aurrez egin beharko da.

**ZAZPI.-** Deiak, gutxienez ere aditzera emango ditu data, bilkura lekua, eta lehen eta bigarren deialdien orduak —bien artean gutxienez ordu erdiko aldea izan behar da—, eta eguneko gai-zerrenda nahikoa zehaztasun eta xehetasunez adieraziko du.

**ZORTZI.-** Artikulu honetako aurreko ataletan erabakitakoaren kaltetan ez bada, deialdi gabeko batzarra osatu ahal izango da, bazkide guztiak bilduta edo ordezkatuta egonik, aho batez Batzar Nagusi Unibertsala eratzea erabakitzen baldin badute; denek onartu eta izenpetu beharko lukete gai-zerrenda eta bertaratutako zerrenda, baina gero ez lukete guztiek bertan geratu beharrik izango.

## **26. ARTIKULUA. BATZAR NAGUSIAREN FUNTZIONAMENDUA**

**BAT.-** Batzar Nagusia, Unibertsala denean izan ezik, egoitza soziala finkatuta dagoeneko herrian gauzatuko da, edo Artezkaritza Kontseiluak izendatutako beste edozein lekutan, justifikatutako arrazoirik baldin badago, betiere.

**BI.-** Batzar Nagusia balioz eratuta geratuko da, lehen deialdian botoen gehiengoa bertan edo ordezkatuta dagoenean, eta bigarren deialdian gutxienez boto sozialen %10 edo ehun boto bertan edo ordezkatuta daudenean.

Batzar Nagusiaren deialdia adostu zenean bazkide zirenek bertaratzeko eskubidea izango dute.

**HIRU.-** Bazkide erabiltzaile ezkonduak beren ezkontideek ordezkatu ahal izango dituzte Batzar Nagusietan, eta izatezko bikotekidea duten bazkide erabiltzaileak beren bikotekideek ordezkatu ahal izango dituzte Batzar Nagusietan, betiere ezkontza-lotura edo izatezko bikotetza hori behar bezala ziurtatzen denean, eta Kooperatibako dokumentazio sozialean horrela jasota dagoenean.

Kasu orotan, nahitaezkoa izango da Batzar Nagusi bakoitzerako ordezkari itatziz ziurtatzea, bazkidearen baimen eta sinadurarekin, eta ezkontidearen edo izatezko bikotekidearen berariazko onarpenarekin eta sinadurarekin.

**LAU.-** Bazkideak, idatziz, beste bazkide bati laga ahal izango dio bere ordezkari Batzar Nagusi bakoitzerako.

Batzar Unibertsalean, ordezkapenerako ziurtapenak aurreikusten den Gai-zerrenda jaso beharko du.

Bazkideek ezin izango dute bi ordezkari baino gehiago eraman, bereaz gainera. Ordezkari errebotatu egin daiteke; ordezkariak Batzar Nagusira joaten bada, errebotatu egingo da ordezkari.

**BOST.-** Batzar Nagusiko mahaiburu Artezkari Kontseiluko lehendakaria izango da, eta, hau ez balego, Lehendakariordeak edo Batzarrak berak hautatuko duen bazkide.

Mahaiburuari dagokio deliberazioak zuzentzea, bere erantzukizunpean arduratzea desbideraketarik gerta ez dadin edo gai-zerrendaren barnean sartu gabeko gaiak erabakipean jar ez daitezen –espresuki Legez baimendutakoak salbu-, Batzarrean ordena mantentzea eta formalitate legalak bete daitezen zaintzea.

Idazkari gisa, Artezkari Kontseilukoak jardungo du, edo, hau ez balego, Batzarrak espresuki hautatuko duenak.

**SEI.-** Gai-zerrendan jaso gabeko gaiak buruzko erabakiak baliogabeak izango dira, Euskadiko Kooperatiba Legean berariaz dena delako akordio hartzea baimentzen den kasuetan izan ezik.

**ZAZPI.-** Artezkari Kontseiluko kideek Batzar Nagusietara joan beharra izango dute. Era berean, bazkide ez direla ere, Artezkari Kontseiluak deituta edo gonbidatuta, Elkartearen gaien bilakaera egokiaz interesa duten pertsona adituak joan ahal izango dira Batzar Nagusietara.

**ZORTZI.-** Idazkariak batzarraldiko akta idatziko du, bertan honako hauek adieraziz: bilkuraren lekua eta data; deialdiaren data, modua eta testu osoa; beren izenean edo besteren baten ordezkari diren bazkideen kopurua; lehen deialdian edo bigarrenaren den; eztabaidatutako gaien laburpena; aktan jaso daitezen eskaera eginez egindako esku-hartzeak; hartutako erabakien edukia; bozketen emaitza; eta aktaren onespina, bilera amaitzerakoan gertatu denean.

Bertaratutako zerrenda aktaren hasieran azalduko da, edota aktara erantsiko da idazkariak sinatutako eta lehendakariak onzat emandako eranskinaren bidez.

Akta Batzarrak berak onetsi ahal izango du bilkura amaitutakoan, edo, hala izan ezean, hamabost eguneko epearen barruan lehendakariak eta bilkuran izendatutako bi bazkidek onetsiko dute, idazkariarekin batera izenpetuko dutelarik.

Edozein bazkidek edo Batzar Nagusira azaldutako partaidek, aktaren testu osoaren eta hartutako erabakien ziurtagiriak eskuratzea eskubidea izango dute. Ziurtapenak egiteko datan idazkari denak egingo ditu ziurtagiri horiek, lehendakariak ontzat emanik.

**BEDERATZI.-** Erabakiek, hartzen diren unetik bertatik sortuko dituzte ondorioak.

**HAMAR.-** Inskribagarriak diren erabakiak Kooperatiben Erregistroan aurkeztu beharko dira, akta onetsi eta ondorengo hogeita hamar eguneko epean.

## **27. ARTIKULUA. BOTO-ESKUBIDEA**

**BAT.-** Bazkide bakoitzak boto bat izango du.

Bazkide erabiltzaileek botoen kopuru osoaren % 40 izango dute, lan-bazkideek botoen kopuru osoaren % 40 izango dute —baldin eta kooperatiban lan egiten duten irakasleen eta langile ez-irakasleen % 50 baino gehiago badira lan-bazkide—; bazkide laguntzaileek botoen kopuru osoaren % 10; eta bazkide inaktibo edo ez-erabiltzaileek botoen kopuru osoaren % 10. Azken hauetakorik ez badago, botoak zati berdinetan banatuko dira bazkide erabiltzaileen eta lan-bazkideen artean. Lan-bazkideak aurreikusitako ehunekora iristen ez badira, bazkide gisa dauden ehunekoari dagokion boto haztatua izango dute. Lan-bazkideei esleitzen ez zaizkien botoen ehuneko-diferentziala bazkide erabiltzaileei pasatuko zaie, gehienez % 57ra iritsi arte, eta gainerakoa bazkide laguntzaileei, gehienez % 33ra iritsi arte.

**BI.-** Bazkideak boto-eskubidea ezin izango du erabili, balizko interesen gatazka hauetan:

- a) hartu beharreko erabakiak zuzenean eta berari soilik badagokio, adierazitako gehiengoaren parte den kasutan izan ezik.
- b) Kooperatibak bultzatutako erantzukizun-ekimen baten subjektu denean.

## **28. ARTIKULUA. GEHIENGOAK**

**BAT.-** Batzar Nagusiaren erabakiak, balioz emandako botoen gehiengo soilaz hartuko dira, boto zuriak eta abstentzioak kontutan hartu gabe. Euskadiko Kooperatiben Legeak edo Estatutu hauek gehiengo sendoagoa ezartzen duten kasuak salbuesten dira.

**BI.-** Bertan diren botoen eta ordezkatuaren bi herenen gehiengo beharko da kooperatiba eraldatzeko, banatzeko, zatitzeko, hezkuntza-sare publikoan sartzeko eta desegiteko erabakiak.



## **29. ARTIKULUA. BATZAR NAGUSIKO ERABAKIEN AURKATZEA**

**BAT.-** Batzar Nagusiaren erabakiak aurkatu egin ahal izango dira, baldin eta legearen nahiz estatutuen aurkakoak edo bazkide baten, batzuen nahiz beste pertsona batzuen mesedetan Kooperatibaren xedeen aurkakoak baldin badira.

Legearen aurkako erabakiak baliogabeak izango dira; aurreko zenbakian aipatzen diren besteak, berriz, deuseztagarriak.

Eraginik gabe utzitako edo baliozko beste baten bidez ordezkaturako erabakiak ezin izango dira aurkatu.

**BI.-** Honako hauek eragin ditzakete baliogabeko akordioak aurkatzeko ekintzak:

- a) Bazkide guztiek
- b) Artezkaritza Kontseiluko kideek.
- c) Zaintza Batzordeko partaideek.
- d) Legezko interesa duen beste edonork.

Aurkatzeko ekintza urte beteko epean iraungiko da.

**HIRU.-** Honako hauek eragin ditzakete erabaki deuseztagarriak aurkatzeko ekintzak :

- a) Batzar Nagusiko aktan erabakiarekin bat ez zetozela adierazi zuten bertaratutako bazkideek.
- b) Bertaratu gabekoek, eta boto-eskubidea legez kontra eragotzi zaienek.
- c) Artezkaritza Kontseiluko kideek.
- d) Zaintza Batzordeko partaideek.

Berrogei eguneko epea izango da era honetako ekintza bat aurkezteko.

Atal honetan eta aurrekoan adierazitako epemugak erabakia hartzen denetik aurrera kontatuko dira, edo, erabakia inskribagarria bada, Euskadiko Kooperatiben erroldan inskribatzen deneko datatik aurrera.

**LAU.-** Aurkatzeko ekintzak 4/1993 Legeko 39-7 artikuluan xedatutakoaren arabera tramitatuko dira.

**BOST.-** Aurkatzea kontuan hartu duen epaiak bazkide guztiengan eragina izango du, baina ez die eragingo aurkatutako erabakiaren ondorioz, eta asmo txarrik gabe, beste batzuek lortutako eskubideei. Aurkatutako erabakia Kooperatiben Erroldan jasota balego, indarrrik gabe utz dadila erabakiko luke epaiak.

## **30. ARTIKULUA. ARTEZKARITZA KONTSEILUA. IZAERA ETA AHALMENAK**

**BAT.-** Artezkaritza Kontseilua Kooperatibaren ordezkartiaz, gobernuaz eta kudeaketaz arduratzen den organoa da, hauei dagozkien ahalmen guztiak erabiliz, legeak edo Estatutu

hauek espresuki Batzar Nagusiari edo beste zenbait organo soziali erreserbatzen dizkietenak ezik.

**BI.-** Ondorengo berariazko ahalmen hauek Artezkaritza Kontseiluari dagozkio:

- a) Estatutu hauetan aurreikusitakoaren arabera, bazkideen onarpenak eta bajak erabakitzea.
- b) Erantzukizun osoz Kooperatiba ordezkatzeko, eskuordetzeko ahalmenarekin, edozein motatako ekintza eta kontratutan, eta bereziki, parte hartuko duen entitateen Batzar Nagusietan.
- c) Zuzendari-Kudeatzailea izendatzea, eta honek proposatuta, Departamentuetako Zuzendariak. Baita horiek kargutik kentzea, eta beren eskumenak, betebeharrak eta ordainsariak zehaztea ere. Halakorik balitz, hauen kontrako erantzukizun-ekintzak gauzatzea.
- d) Bazkide diren langileen eta bazkide ez direnen ekonomia- eta lankidetzak baldintzak hitzartzea.
- e) Eskubide eta betebeharrak estatutarioekin, bazkideen lan eta diziiplina-erregimenarekin, eta lanaren antolamenduarekin zerikusia duten arazoei buruzko erabakiak hartzea.
- f) Kooperatibaren martxa antolatu, zuzendu, kudeatu eta ikuskatzea, eta Batzar Nagusiari urteroko gestio-egitamuak eta epe luzerako egitamu estrategikoak aurkeztea, Kooperatibaren politika eta estrategia orokorren proposamenekin, behin Artezkaritza Kontseiluak onetsi ondoren.
- g) Batzordeko kideen uko-egiteez, plaza hutsen ordezkapenez eta, oro har, organo beraren barne-funtzionamenduaren arauketaz egokia dena erabakitzea, eta halaber, akordioen deuseztasunaren akzioak erabiltzea horretarako bidea legokeenean eta/edo bere eskumenekoak liratekeenean.
- h) Estatutuetan eta Barne Araudian egoki iritzitako aldaketak Batzar Nagusiari proposatzea.
- i) Estatutuak eta barne araudiak egoki aplikatzeko behar diren arau funtzionalak edo Batzarraren erabakiak gauzatzeko beharrezkoak direnak onartzea.
- j) Xede soziala gauzatzeko beharrezkoak edo komenigarriak liratekeen ekintza eta kontratuak egitea, ondasun higiezinak erostekoak edo saltzekoak, eskubide errealak eratzekoak –baita hipotekak ere-, eta errentamenduko bereziak ere barne, eta Estatutu hauek kooperatibari zilegi uzten dizkieten negozio eta eragiketa molde guztiak ebaztea.
- k) Kooperatibari komeni liezazkiokeen eta Batzar Nagusiari erreserbatuak ez dauden kredituen, maileguen eta sinadura-garantiaren eragiketak erabakitzea.

- l) Entitate publiko eta pribaturen artean abalak eman, eta halaber, erosi, saldu, harpidetu eta jalki zuzenbidez onarturiko edozein motako titulu, zor publiko edo balore higigarriak nahiz higiezinak, egoki iruditzen zaion eran eragin ditzakeelarik.
- m) Ekarpinak harpidetzeko eta Bonuak eta Obligazioak jaulkitzeko beharrezkoa dena erabakitzea, Batzar Nagusiak aurrez erabakia lukeenaren ildotik.
- n) Fondo erabilgarrien inbertsio zehatza erabakitzea, aurrekontuak eratzea, gastuak baimentzea eta Kooperatibaren ahalduak eta ordezkariak izendatzea, kasu bakoitzean komenigarri iruditzen zaizkion ahalmenak haien esku utziz.
- o) Urtero Ohiko Batzar Nagusiari Urteko Kontuak aurkeztea, bidezkoa bada, soberakin garbien banaketa edo galeren egozpena proposatzea, eta bazkide berrien nahitaezko ekarpinak, eta sarrerako eta aldizkako kuotak proposatzea.
- p) Batzar Nagusietara dei egitea, bere prozesamenduan sortuko diren arazoak konpontzea eta erabakiak gauzatzea.
- q) Epaitegi eta Auzitegi arrunt edo berezien aurrean eta Estatuaren eta Lurralde Administrazio Autonomoen, Lurraldean eta Udalerrien bulego, agintari korporazio edo organismoen aurrean, Kooperatibari dagozkion eskubideak edo akzioak erabiltzeari buruz komenigarri iruditzen zaiena erabakitzea, eta halaber errekurtsio arrunt nahiz bereziak tartekatzeari buruz, gai hauetan Kooperatibaren ordezkariak eta defentsa eraman dezaten ordezkariak, prokuradoreak edo letratuak izendatuz, hauetako ahalmen egokiak behar den eran eman, baita adiskidetzetan, espedienteetan, auzitan, erreklamaziotan, errekurtsotan edo edozein moldetako jarduketatan eta edozein prozedura-egoeratan, prozesura uztea eskatzeko eta beharrezkoa den orotarako, baita zabaltasun osoz judizialki amore emateko ere.
- r) Funtz eta ondasun sozialez baliatzea, hauek erreklamatzeko, jasotzea, kobratzea, partikularrengandik nahiz bulego publikoetatik, Kutxa Orokorrean eta interes sozialei komeni zaien lekuan gordailuak eratuz edo atereaz. Bankuko kontu korrontek eratzea eskudiruz, kredituz nahiz balorez, eta hauetatik eskudirua edo baloreak ateratzea, eta, oro har, banku-eragiketa mota oro egitea entitate nazional edo atzerritarrekin, baita Espainiako Bankuan ere. Korrespontsalen eskumendean dauden Kooperatibaren funts eta ondasunez baliatzea. Kanbio-letrak, agindurako ordaindukoak eta gainerako efektu komertzialak igorri, endosatu, abalatu, onartu, negoziatu eta ordaintzea.
- s) Ondorio zehatzetarako edo negozio sozialaren arlo jakin bat eramateko zenbait pertsona eskuordetzea.
- t) Behar izanez gero, Batzar Nagusiari ordainketa-etendurako, porroteko edo Kooperatiba desegiteko espedienteak proposatzea, eta prozesu horretan bere eskumenekoak diren faseak betetzea.

- u) Estatutu hauen interpretazioaz sor daitezkeen zalantzak erabakitzea eta egon daitezkeen hutsuneak betetzea, egingo den lehenengo Batzar Nagusiari aditzera emanaz.
- v) Estatutu hauetan bereziki jasotakoak.

**HIRU.-** Artezkaritza Kontseiluaren ahalmenak ez dira zerrendatutakoekin amaitzen, eta beraz, ez dira hauetara mugatzen, Legez beste organo batzuetarako espresuki izendatuta daudenak izan ezik beste edozein bere gaia izan baitaiteke.

### **31. ARTIKULUA. ARTEZKARITZA KONTSEILUAREN ERAKETA ETA BERRIKUNTZA**

**BAT.-** Artezkaritza Kontseilua hamabi kidek osatuko dute, eta hauetarik hiruk Lehendakari, Lehendakariorde eta Idazkari karguak izango dituzte.

**BI.-** Artezkaritza Kontseiluko kideak Batzar Nagusian hautatuko dira, ezkutuko bozketan emandako baliozko botoen kopururik handiena lortzearen bidez.

4/1993 Legeko 45.4 artikuluan ezarritakoa aplikatuz, kide hauek izango ditu Artezkaritza Kontseiluak: 5 bazkide erabiltzaile, 1 bazkide laguntzaile, 1 bazkide inaktibo edo ez-erabiltzaile —halakorik ez balego, bazkide erabiltzaile batek beteko luke leku hori—, eta 5 lan-bazkide, baldin eta kooperatiban lan egiten duten irakasleen eta langile ez-irakasleen % 50 baino gehiago badira lan-bazkide. Lan-bazkideak ehuneko horretara iristen ez badira, lan-bazkide gisa dauden irakasleen eta langile ez-irakasleen ehunekoarekin proportzionala den kontseilari-kopurua izango dute. Adibidez, irakasleen eta langile ez-irakasleen % 26 badira lan-bazkide, 3 kontseilari izango dituzte lan-bazkideek, eta beste bi lekuak horrela banatuko dira: bat bazkide erabiltzaileentzat eta beste bat bazkide laguntzaileentzat. Lan-bazkiderik ez badago, horrela banatuko dira haien 5 lekuak: 2 bazkide erabiltzaileentzat eta 3 bazkide laguntzaileentzat.

Kontseilari horiek bazkideen artean hautatuko dira, Estatutu hauetako 5. artikuluan araututako klaseak bereiziz, ezkutuko bozketa partzialetan. Bozketa horiek bertaratutako edo behar bezala ordezkaturako bazkideen artean egingo dira, hautaketa egingo den Batzar Nagusian; lau urteko eperako izango dira hautatuak, eta berriro hauta daitezke iraupen bereko beste epe batzuetarako. Epea amaitzean, Artezkaritza Kontseiluko kideek bere karguan jarraituko dute behin-behinean, hurrengo Batzar Nagusia egin arte.

Izendapen horiek egitean, aldi berean, 6 ordezeko hautatuko dira. Horietako 3 bazkide erabiltzaileak izango dira, 1 bazkide inaktiboa edo ez-erabiltzailea —halakorik ez badago, bazkide laguntzaile bat izango da—, eta 2 lan-bazkideak —halakorik ez badago, 2 izango dira bazkide laguntzaileak—.

Artezkaritza Kontseilua partzialki berrituko da bi urtez behin, erdika, eta 6 kide titularri eta ordezeko 3 kideri eragingo die berrikuntzak. Lehen berrikuntza zozketaz egingo da, eta proportzionalki, Artezkaritza Kontseiluaren osaeraren arabera, administrazio-organo hori

osatzen duten bazkide-klaseen artean, Estatutu Sozialetan bazkide-klase bakoitzarentzat ezarritako mugak errespetatuz.

Kooperatibaren Barne Araudian garatuko dira Artezkaritza Kontseiluaren hauteskunde-erregimeneko berezitasun operatiboak, eta, edonola ere, hautagaitzak izendatzeko prozedura bat zehaztuko da bertan.

**HIRU.-** Eratutako Kontseiluak, egiten duen lehen bilkuran, Lehendakaria, Lehendakariordea eta Idazkaria hautatuko ditu bere kideen artean; gainerakoak bokalak izango dira. Edonola ere, Lehendakari eta Lehendakari karguak agintaldi horretan bazkide erabiltzaileak diren kideen artean hautatu beharko ditu Artezkaritza Kontseiluak.

**LAU.-** Artezkaritza Kontseiluko kide titularren baten kargua behin betiko hutsik geratuko balitz, kargu hori berehala beteko luke kargua utzi duen bazkidearen klase bereko lehenengo ordezkioak. Ordezko hori ordezkatuari, estatutuen arabera, geratzen zitzaion denboraz egongo da karguan.

Utzialdia artikuluko honetako HIRU atalean aipatutako karguren batetan gertatzen bada, hori Artezkaritza Kontseiluak berak beteko du izendatutako ordezkioak berehala inkorporatu ondoren. Behin-behineko utzialdia gertatuz gero, Lehendakariordeak hartuko du Lehendakariaren funtzioa. Idazkariaren behin-behineko utzialdietan, Artezkaritza Kontseilu gazteenak ordezkatu du.

Kontseilarien dimisioa edo uko egitea, kausa arrazoitua dagoenean, Artezkaritza Kontseiluak onartu ahal izango du, Batzar Nagusiaren aurrean aurkezten direnak salbu, izan ere, kasu horretan Batzar Nagusiak ebatziko du eskaera, gai-zerrendan azaltzen ez bada ere.

**BOST.-** Honakook ezin izango dira Artezkaritza Kontseiluaren kideak izan:

- a) Konkurtso-prozedurari buruzko Legearen arabera desgaituak, konkurtsoaren kalifikazioari buruzko epaian finkatutako desgaitze-aldia bete ez den bitartean; adin txikikoak eta ezinduak; kargu publikoetan jardutea galarazten duten zigorrak betetzen ari direnak; lege edo gizarteko arauak modu larrian ez betetzeagatik zigorren bat jaso dutenak; eta, beren kargua dela-eta, irabaziak ematen dituzten diru-jarduerak burutzerik ez dutenak.
- b) Funtzionarioak eta administrazioarentzat lan egiten dutenak, kooperatibaren berezko jarduerekin zerikusia duten egitekoak baldin badituzte haietan.
- c) Beren edo inoren kontura arituz, kooperatibarekin lehian dauden jarduerak burutzen dituztenak, edo modu batera edo bestera kooperatibaren interesen aurkakoak dituztenak.
- d) Zaintza Batzordeko, Errekurtso Batzordeko edo Kontseilu Sozialeko kideak eta Zuzendari-Kudeatzailea.
- e) Lan-eszedentzian dauden lan-bazkideak, eszedentziak irauten duen bitartean.

**SEI.-** Artezkaritza Kontseiluko kideak edozein unetan izan daitezke kargutik kenduak Batzar Nagusiaren akordioz, nahiz eta Gai-zerrendan ez azaldu. Hala ere, balizko horretan beharrezkoak izango dira bertan daudenen eta ordezkatuena botoen bi herenen gehiengo kualifikatu bat kargutik kentzearen alde.

Hori gertatzekotan, bilkura berean, Artezkaritza Kontseiluko kide berriak izendatuko dira, nahiz eta Gai-zerrendan ez azaldu.

**ZAZPI .-** Edozer dela ere Artezkaritza Kontseiluko kideren bat kargutik kentzen dutenetan, besteei eragina Kooperatiben Erroldan izena eman ondoren baino ez du izango.

### **32. ARTIKULUA. ARTEZKARITZA KONTSEILUAREN FUNTZIONAMENDUA**

**BAT.-** Artezkaritza Kontseilua nahitaez hilabete behin bilduko da –Kooperatibaren jardura nagusia oporrak direla-eta eteten denean salbu-, edo ezohiko deialditan, bere kideetarik baten arrazoibidezko eskaeraren ondorioz. Bileretan bere eskumeneko arazo guztiak tratatu eta erabaki ahal izango dira.

**BI.-** Artezkaritza Kontseiluaren bileretarako deiak Lehendakariak egingo ditu, kide bakoitzari zuzendutako idatzi baten bidez.

Aurreko atalean aurreikusitako ezohiko deialdirako eskabideari Lehendakariak zazpi eguneko epean erantzuten ez badiu, arrazoibidezko eskaeraren egileak egin ahal izango du Artezkaritza Kontseilurako deialdia; betiere, Artezkaritza Kontseiluaren heren baten atxikipena lortzen badu gutxienez.

**HIRU.-** Artezkaritza Kontseiluaren bilera baliozkoa izateko, kideetako erdiak baino gehiagok egon beharko du bertan. Kontseilu honetako bileretara bakoitzak aurkeztu beharko du, ordezkariarik eman gabe. Erabakiak hartzeko, bertarututakoen erdiak baino gehiagoren botoak behar izango dira. Kontseilariak boto bana izango dute. Lehendakariaren botoa izango da berdinketetan erabakiko duena.

**LAU.-** Bilerako akta lehendakariak eta idazkariak sinatuko dute, eta eztabaidak era laburrean, erabakien testua eta botazioen emaitzak jasoko dira bertan. Horiek Artezkaritza Kontseiluko Akta-liburuan transkribatuko dira.

**BOST.-** Artezkaritza Kontseilura bertarututakoen bi herenen aldeko botoak behar izango dira gutxienez, jarraian datozen erabakiak hartzeko:

- a) Jardura-zentro nagusi bat edo beronen zati garrantzitsu bat itxi edo lekuz aldatzeko.
- b) Kooperatibaren jarduran murrizketa, hedapen edo berrikuntza nabarmenak eragiteko.

- c) Kooperatibaren antolaketan garrantzi handiko aldaketak sortzeko.
- d) Beste erakunde batzuekin, kooperatiba edo bestelakoekin, kooperatibarentzat etengabeko eta balio handiko elkarlana ekarriko duten harremanak sortzeko edo desegiteko.

Lehendakariaren botoak ebatziko ditu berdinketak.

**SEI.-** Artezkaritza Kontseiluaren aginpideren baten etengabeko ordezkari-tza Exekuzio Batzordeari edo Artezkaritza Kontseiluko kide ordezkari- ren bati emateko, eta kargu horiek beteko dituzten Artezkaritza Kontseiluko kideak izendatzeko, Artezkaritza Kontseilua osatzen dutenen bi herenen aldeko botoa behar izango da eta ez dute eraginik izango Kooperatiben Erroldan izena eman arte.

### **33. ARTIKULUA. ARTEZKARITZA KONTSEILUARI DAGOZKION XEDAPENAK**

**BAT.-** Artezkaritza Kontseiluko lehendakariari dagokio:

- a) Artezkaritza Kontseiluaren izenean elkar- tea gai mota guztietan ordezkari- tzea eta Batzordeko nahiz Batzar Nagusiko bileretako buru izatea.
- b) Botereak xedatzea eta agiri publiko nahiz pribatuak sinatzea, Artezkaritza Kontseiluak edo Batzar Nagusiak hartutako erabaki- en arabera.
- c) Artezkaritza Kontseiluan erabakiak hartzerakoan sor daitezken berdinketak ebatzea bere botoarekin.
- d) Premiazko izaera duten erabakiak hartzea, horien berri lehenengo Artezkaritza Kontseiluan emanez.
- e) Bere sinadurarekin ordainketak baimentzea.
- f) Artezkaritza Kontseiluak agintzen dizkion ekintza, kudeaketa eta egitekoak gauzatzea.

**BI.-** Lehendakariordeak Lehendakaria ordeztuko du eta bere funtzioak izango ditu, hau ez dagoen kasuetan. Era berean, Artezkaritza Kontseiluak eta Lehendakariak agindutako egiteko eta kudeaketak gauzatu beharko ditu, eta, bereziki, Lehendakariak Artezkaritza Kontseiluko beste kideetan eskuordetu ditzakeen kudeaketak.

**HIRU.-** Idazkariari ondoko funtzio hauek betetzea dagokio:

- a) Espedienteak eratzea eta horiek behar bezala izapidetzea.
- b) Lehendakariari nahiz Lehendakariordeari erreserbatuta ez dauden gutun eta agiriak sinatzea.
- c) Batzar Nagusietarako eta Artezkaritza Kontseiluetarako deialdiak idaztea eta bideratzea.
- d) Aipatutako organoen bilkuretako aktak idaztea.
- e) Kooperatibaren artxiboa, bazkideen erregistro-liburua, kapital sozialeko ekarpenen liburua, eta Artezkaritza Kontseiluko nahiz Batzar Nagusiko akta- liburuak gordetzea.

- f) Kooperatibaren liburuei eta agiriei dagozkien ziurtagiriak ematea, lehendakariaren oniritziarekin.
- g) Artezkaritza Kontseiluak ematen dizkion gainerako funtzioak.

### **34. ARTIKULUA. ARTEZKARITZA KONTSEILUKO KIDEEN ERANTZUKIZUNAK ETA ERANTZUKIZUNAK ESKATZEKO EKINTZAK**

**BAT.-** Artezkaritza Kontseiluko kideek ez dute beren karguarengatiko berariazko ordainsaririk jasoko, funtzio horiek betetzea doakoa baita. Hala ere, beren funtzioa betetzerakoan izan ditzaketen gastuak direla eta, konpentsazio ekonomikoak jaso ditzakete.

**BI.-** Artezkaritza Kontseiluko kideak kudeatzaile fin eta ordezkari zintzo modura arituko dira beren karguetan, eta legearen nahiz estatutuen aurka edo behar bezain ondo egin ez dituzten egintzen kalteen erantzukizuna izango dute.

Solidaritate-legez erantzun beharko dute egintza kaltegarria burutu edo horrelako erabakia hartu zuen organoko kide guztiek, erabakia hartzean edo burutzearekin zerikusirik izan ez eta halakorik bazenik ere ez zekitela argi uzteko moduan direnak izan ezik, edo, behin ezagututa, horien aurka argi agertu zirenak izan ezik.

Erantzukizuna berbera izango da ekintza edo erabaki kaltegarria Batzar Nagusiak hartu, baimendu edo berretsi bazuen ere.

**HIRU.-** Artezkaritza Kontseiluko kideei erantzukizunak eskatzeko elkartearen ekintza kooperatibaren esku izango da; aurrez Batzar Nagusiak gehiengo soilez erabaki beharko du, nahiz eta eguneko gai-zerrendan halakorik agertu ez. Batzar Nagusiak edonoiz emango dio baiezkoa nahiz ezezkoa ekintza aurrera eramateari. Ekintza bultzatzea edo aurrera eramateari baiezkoa ematea erabakiz gero, kaltetutako Artezkaritza Kontseiluko kideak kargutik kanpo geratuko dira besterik gabe.

Erabakia hartu ondoko hiru hilabeteetan kooperatibak berak erantzukizunak eskatzeko ekintzarik hasiko ez balu, edozein bazkidek egin ahal izango luke.

**LAU.-** Ekintza iraungita geratuko da erantzukizuna eskatzeko arrazoi diren egintzak gertatu edo ezagutu ondoren bi urte pasa eta gero.

**BOST.-** Aurreko puntuetan erabakitakoa kontuan izan behar bada ere, guzti horretatik kanpo dira zuzenean bazkideen edo beste inoren kaltetan Artezkaritza Kontseiluko kideek egindakoengatik batzuek edo besteek egin litzaketen norbanako ekintzak.



### **35. ARTIKULUA. ERABAKIEN AURKA EGITEA**

**BAT.-** Artezkaritza Kontseiluaren erabakiak aurkatu egin ahal izango dira, baldin eta legearen nahiz estatutuen aurkakoak edo bazkide baten, batzuen nahiz beste pertsona batzuen mesedetan Kooperatibaren xedeen aurkakoak baldin badira.

Legearen aurkako erabakiak baliogabeak izango dira; aurreko zenbakian aipatzen diren besteak, berriz, deuseztagarriak.

Eraginik gabe utzitako edo baliozko beste baten bidez ordeztutako erabakiak ezin izango dira aurkatu.

**BI.-** Honako hauek eragin ditzakete erabaki baliogabeak aurkatzeko ekintzak:

- a) Bazkide guztiek, erabakia jakinarazi zenetik 60 eguneko epearen barruan eta betiere hartu zenetik urtebete igaro ez bada.
- b) Artezkaritza Kontseiluko kideek, erabakia hartu zenetik 60 eguneko epearen barruan.

**HIRU.** Honako hauek eragin ditzakete erabaki deuseztagarriak aurkatzeko ekintzak:

- a) Boto sozialen %10 ordezkatzan dituzten bazkideek, BI a) atalean aipatutako epearen barruan.
- b) Artezkaritza Kontseiluko kideek, BI b) atalean aipatutako epearen barruan.

**LAU.** Aurkapen ekintzak, eraginez eta tramitazioz, 29. LAU artikuluan Batzar Nagusiaren erabakien aurkapenari buruz aipatzen denaren arabera izango dira.

### **36. ARTIKULUA. ZUZENDARI-KUDEATZAILEA. IZENDAPENA ETA KARGU- UZTEA. BETEBEHARRAK ETA ERANTZUKIZUNAK**

**BAT.** Artezkaritza Kontseiluak izendatu dezake Zuzendari-Kudeatzailea, Kooperatibaren jardura profesionalizatua kudeatzeko helburuarekin.

**BI.** Zuzendari-Kudeatzailearen izendapena eta funtzioak ondoko arau hauen arabera izango dira:

- a) Bere eskumenak Artezkaritza Kontseiluak eskuordetuko ditu beti. Era berean, Artezkaritza Kontseiluaren kontrolpean egongo da, aipatutako organo sozialak onetsitako kudeaketa-xedeak betetzea exijituko zaiolarik.
- b) Artezkaritza Kontseilua izango da, halaber, zuzendari-kudeatzaile kargua beteko duen pertsona izendatzeaz eta kargutik kentzeaz arduratuko dena. Izendapena eta kargua uztea Kooperatiben Erregistroan inskribatuko dira.
- c) Zuzendari-kudeatzailea lan-bazkidea edota besteren konturako langilea izan daiteke.

- d) Artezkaritza Kontseiluarentzat ezarritako erantzukizunei buruzko arauak zuzendari-kudeatzaileari aplikagarriak izango dira, eta gainera erantzukizun akzioa Artezkaritza Kontseiluak berak ere erabili ahal izango du, Batzar Nagusiak hartutako erabaki sozialak aurkatzeko erabilitako epe berdinen barruan.
- e) Ezingo dira zuzendari-kudeatzaile izan ekainaren 24ko 4/1993 Legearen 42. artikulua aipatzen dituen ezintasun eta debekuen kasuetan daudenak, edo Kooperatibako beste organo sozialen batean parte hartzen dutenak.

### **37. ARTIKULUA. ZAINZA BATZORDEA. ESKUMENAK ETA FUNTZIONAMENDUA**

**BAT.-** Zaintza Batzordea lau kide titularrez eta lau ordezkos osatzen da. Horiek Batzar Nagusiak hautatuko ditu ezkutuko bozketaren bidez, hiru urteko epealdirako. Zaintza Batzordeko kideak berrautatuak izan daitezke.

**BI.-** Zaintza Batzordeko kide guztiak, titularrak nahiz ordezkoak, bazkide izan beharko dute. Hala ere, kooperatiban lan egiten duten besteren konturako langileek, horiek berrogeita hamar baino gehiago direnean, beren artean, ezkutuko bozketaren bidez, lan-kontratu mugagabea duen langile bat hautatuko dute, Zaintza Batzordeko partaide izan dadin. Kasu horretan, Zaintza Batzordeak bost kide titular izango ditu —horietako bat lan-kontratu mugagabeko langilea— eta bost kide ordezko —horietako bat lan-kontratu mugagabeko langilea—. Lan-kontratupeko langileen ordezkariak, hautapen egunean kooperatibako langile diren guztien artean hautatuko dituzte, nahiz eta hautagai bakar-bakarrik lan-kontratu mugagabekoak izango diren.

**HIRU.-** Batzar Nagusiak kargutik kendu ditzake Zaintza Batzordeko kideak, beti ezkutuko bozketaren bidez, baliozko botoen gehiengoarekin.

Ordezkoak hautatzeko kide titularrak hautatzeko erabiltzen den antzeko bidea erabiliko da.

**LAU.-** Zaintza Batzordeak honako ahalmen hauek ditu:

a) Batzar Nagusiari aurkeztu baino lehen, urteko kontuak ikuskatu eta horiei buruz eta soberakinak banatzeko edo galerak egozteko proposamenari buruz aginduzko txostena egitea, Kooperatibaren egoera finantzarioari buruzko kontu-ikuskaritza bat egitera behartuta daudenean salbu.

b) Kooperatibako Liburuak ikuskatzea.

c) Batzar Nagusira dei egitea, ezarritako epeetan, Kooperatibarentzat interesgarri dela iruditzen zaionean, baita Artezkaritza Kontseiluak, Euskadiko Kooperatiben Legeko 33. artikuluko 2. eta 3. zenbakietan xedatutakoaren arabera, biltzeko egindako eskaerari ezentzun egin badio ere.

d)Ordezkaritza-agirien egokitasuna ikuskatu eta kalifikatzea, eta, oro har, batzarretara sartzeko eskubideari buruzko zalantza edo gorabeherak erabakitzea.

e)Elkartearen erabakiak aurkatzea, Euskadiko Kooperatiben Legean aurreikusitako kasuetan.

f)Batzar Nagusia informatzea, honek aurkezten dizkion egoera edo arazoei buruz.

g)Batzar Nagusiak beste organoetako kideak aukeratu eta izendatzeko prozesua zaintzea.

h)Artezkaritza Kontseiluko kideren bat, 31-Bost. artikulua aipatzen dituen ezintasun eta debekuen kasuren batean sarturik badago, hori kargugabetzea eta Batzar Nagusia egin bitartean ezinbesteko neurriak hartzea.

i) Eta Euskadiko Kooperatiben Legeak ematen dizkion gainerako egitekoak.

**BOST.-** Zaintza Batzordeak bere kideen artean hautatuko ditu, ezkutuko bozketaren bidez, Lehendakaria eta Idazkaria.

Erabakiak kideen gehiengoaren botoekin hartuko dira, eta berdinketa gertatzen bada ez da izango lehendakaria berdinketa hori ebatziko duena. Izan ere, balizko horretan Zaintza Batzordea berriro bildu beharko da, eta berriro ere berdinketa gertatzen bada beren dimisioa aurkeztu beharko dute Kooperatiban egingo den lehenengo Batzar Nagusian.

Organo kolegiatu gisa, eta kide bakoitzaren eskumenen kaltetan izan gabe, gutxienez hiru hilabetean behin bilduko da, Hots, urtean gutxienez lautan bilduko da. Balioz osatuta egongo da bilkurara gutxienez kideetako hiru aurkezten direnean. Ez da baliozkoa izango botoaren ordezkatzea.

Hala ere, Artezkaritza Kontseiluko edo Zaintza Batzorde bereko kide orok eska diezaioke idatziz, eta behar bezala arrazoituta, Zaintza Batzordeko lehendakariari batzordeko deialdia egitea. Eskaera hori gutxienez Artezkaritza Kontseiluko edo Zaintza Batzorde bereko kideen heren batek egiten duenean, eta eskaera egin eta hilabeteko epean deialdi hori gauzatzen ez denean, eskaera egiten duten taldeetako edonork egin ahal izango du deialdia.

**SEI.-** Kitapen-aldian, artikulua honetan adierazitako funtzioetatik, aldi horri dagozkionak besterik ez ditu gauzatuko Zaintza Batzordeak.

### **38. ARTIKULUA. ERREKURTSO BATZORDEA**

**BAT.-** Errekurtsio Batzordeak eskumen eskusiboa du Kooperatiban hartzen diren lehen zigor-akordioak berrikusteko, kaltetutako bazkideak espreski eskatzen badu, baita diziplinazkoak ez diren beste akordio batzuk berrikusteko ere, Estatutu hauetan edo 4/1993 Legean hala aurreikusita badago.

**BI.-** Errekurtso Batzordea Batzar Nagusiak hautatuko du, ezkutuko bozketan, eta lau kide eta lau ordezeko izango ditu. Kide eta ordezeko horiek Kooperatibako bazkideak izango dira, inolako kargu sozialik ez dutenak eta Kooperatiban gutxienez bost urteko antzintasuna dutenak, edo, bestela, bazkide gisa Kooperatiba eratu zen datatiko antzintasuna dutenak eta kargua betetzeko kooperatiba-esperientzia eta egokitasun pertsonala egiaztatzen dutenak. Lau urteko agintaldia izango dute, eta berriro hautatu daitezke.

Batzordeak Lehendakaria eta Idazkaria hautatuko ditu bere kideen artean, kargu horien berezko funtzioak bete ditzaten.

**HIRU.-** Errekurtso Batzordea baliozkotasunez eratua geratuko da kideen erdia baino gehiago bertaratzen direnean bilkurara; ezingo da boto-ordezkatzerik egin, eta baliozko botoen gehiengoz hartuko dira erabakiak. Diziiplina-gaiei buruzko erabakiak hartzeko bozketak ezkutukoak izango dira beti, eta Lehendakariak ez du kalitateko botorik izango.

Errekurtsoak izapidetu eta erabakitzetik kanpo geratuko dira 4/1993 Legeko 55. artikuluko 4. ataleko 1. paragrafoan zehazten diren Batzordeko kideak.

**LAU.-** Batzordearen aktetan akordioen testua jasoko da, eta Errekurtso Batzordearen liburuan transkribatuko dira, Lehendakariak eta Idazkariak sinatuta.

Akordioak behin betikoak eta berehala egikaritzekoak izango dira, eta Batzar Nagusiak hartu izan balitu bezala aurkatu ahal izango dira, 29. artikuluan ezarritakoaren arabera.

**BOST.-** Errekurtso Batzordearen funtzionamendu-erregimena, artikuluko honetan ezartzen ez denari dagokionez, Kooperatibako Barne Araudiak xedatutakoaren arabera izango da.

### **39. ARTIKULUA KONTSEILU SOZIALA**

**BAT.-** Kontseilu Soziala lan-bazkideen barne-ordezkaritzako organoa da, lan-harremanei buruzko gaietarako. 8 kide ditu, guztiak lan-bazkideak.

**BI.-** Kontseilu Soziala Batzar Nagusiak hautatuko du, ezkutuko bozketan. Bertako akordioz ezarriko dira osaerari, funtzionamenduari eta hautagaiak izendatzeari buruzko arau osagarriak. Hautagaien izendapena Kooperatiban dauden hezkuntza-zikloen ordezkagaitasun-irizpideen arabera egin daiteke.

**HIRU.-** Agintaldia lau urtekoa izango da; bi urtez behin erdia berrituko da, eta berriro hautatua izateko aukera ere badago. Agintaldia amaitzeaz gainera, kargua uzteko arrazoiak izango dira:

- a) lan-bazkide izaera galtzea edo eszedentzia-egoerara igarotzea.
- b) bazkideen diziiplina-arabidea aplikatuz, hori ezartzen duen zigorra jasotzea.
- c) Batzar Nagusiak ezkutuko bozketan erabakitako errebokazioa.

**LAU.-** Kontseilu Sozialak egiten duen lehen bilkuran, Lehendakaria hautatuko da bere kideen artean, eta dagozkion funtzioak beteko ditu, eskuordetzeko gaitasuna izanik.

Lehendakariordea, halakorik balego, kideen artean hautatuko du organoak, baita Idazkaria ere.

#### **40. ARTIKULUA FUNTZIONAMENDUA**

**BAT.-** Kontseilu Soziala gutxienez hilabetean behin bilduko da ohiko bilkuran. Era berean, Lehendakariak egoki irizten dion bakoitzean eta kideen herenak edo gehiagok eskatzen duen bakoitzean bilduko da.

**BI.-** Lehendakariari dagokio deialdiak egitea eta bilkuraren data, ordua, lekua, gai-ordena eta gainerako xehetasunak zehaztuko dira bertan. Kontseilu Sozialaren bileretara, kideez gainera, Kooperatibak interesgarri irizten dion beste edozein pertsona joan daiteke, ahotsa bai baina botorik ez duela.

**HIRU.-** Kontseilu Soziala baliozki eratuta geratuko da kideen erdia gehi bat bertaratzen bada. Norberak bertaratu behar du bilkuretara, eta ordezkoa eskuordetzeko aukera dago.

Erabakiak gehiengo sinplez hartuko dira eta lehendakariaren botoak ebatziko ditu berdinketak.

Idazkariak bilkura bakoitzaren akta idatziko du. Aktak hurrengo bilkuran onartuko dira, nahiz eta erabakiak hartzen diren unetik bertatik egongo diren indarrean.

#### **41. ARTIKULUA ESKUMENAK**

**BAT.-** Hauek dira Kontseilu Sozialaren funtzioak:

- a) Lan-harremanen inguruko gaietan, Artezkaritza Kontseilua informatzea, aholkatzea eta kontsultatzea. Gai horiei buruzko aginduzko txostenak idaztea.
- b) Ordezkatuei informatzea eta haien ekarpen eta iritzia biltzea, a) puntuan aipatutako gaien inguruan.
- c) 4/1993 Legeak espreski esleitzen dizkion gainerako guztiak.

**BI.-** Kontseilu Sozialak edozein unetan eska ditzake bere funtzioak hobeto betetzeko beharrezkoak iruditzen zaizkion argibide eta informazio osagarriak, baita egoki irizten dien bestelako neurriak proposatu ere.

## **V. KAPITULUA KOOPERATIBAREN ERREGIMEN EKONOMIKOA**

### **42. ARTIKULUA. ERANTZUKIZUNAK**

**BAT.-** Bazkideek ez dute enpresaren zorren norbanako erantzukizunik izango. Kapital sozialean dituzten ekarpenek mugatuko dute beren erantzukizuna zor horiei buruz.

**BI.-** Berreskuratu beharreko ekarpenen zenbatekoa zehaztu ondoren, baja hartzen duten bazkideek ez dute inolako erantzukizunik izango baja hartu aurretik kooperatibak egin zituen zorrenatik.

### **43. ARTIKULUA. KAPITAL SOZIALA**

**BAT.-** Kooperatibako kapital soziala bazkideek horretarako emandako ondare-ekarpenek osatuko dute, derrigorrezkoak izan edo borondatezkoak izanda ere.

**BI.-** Kooperatibaren gutxieneko kapital soziala HIRU MILA (3.000) EUROTAN finkatzen da.

**HIRU.-** Kapital sozialari egindako ekarpenak egiaztatzeko, izendun partaidetza-libretak edo liburutxoak erabiliko dira.

**LAU.-** Kapital sozialari egindako ekarpenak egiteko dirua erabili beharko da. Ondasunak edo eskubideak ere erabili ahal izango dira; halako kasuetan Artekarietza Kontseiluak zehaztuko du balioa, baina beraiek izendatutako aditu independente batek aztertu beharko du lehenengo eta behin.

**BOST.-** Bazkide bakoitzaren ekarpenen zenbateko osoa, bazkide laguntzaileak ez badira behintzat, ez da kapital sozialaren herena baino gehiago izango.

### **44. ARTIKULUA. DERRIGORREZKO EKARPENA KAPITAL SOZIALERA**

**BAT.-** Bazkide izateko hasierako derrigorrezko ekarpenak ondorengo kopuruak dira:

- a) Bazkide erabiltzaileak.....HAMAZAZPI EURO. 17€
- b) Izaera mugagabeko lan-bazkideak.....HAMAZAZPI EURO. 17€
- c) Izaera mugatuko lan-bazkideak.....HAMAZAZPI EURO. 17€
- d) Bazkide laguntzaileak, pertsona fisikoak.....HAMAZAZPI EURO. 17€
- e) Bazkide laguntzaileak, pertsona juridikoak.....HAMAZAZPI EURO. 17€
- f) Bazkide inaktiboak edo ez-erabiltzaileak.....HAMAZAZPI EURO. 17€

Kapital sozialari egin beharreko gutxieneko derrigorrezko ekarpena hau izango da bazkide bakoitzarentzat: unean bazkide-klase bakoitzarentzat indarrean dagoen hasierako derrigorrezko ekarpenaren % 50, artikuluko honen Lau atalean zehaztutakoaren arabera.

**BI.-** Bazkide izaera eskuratzeko beharrezkoa den hasierako gutxieneko ekarpena osoki ordaindu beharko da onarpeneko unean. Eskakizun hori betetzen ez bada, ez da Bazkideen Erregistro Liburuan inskribatuko.

**HIRU.-** Kooperatibaren galerak bazkideei egozteagatik edota Estatutuetan aurreikusitako zigor ekonomikoagatik, bazkide horietako batzuen ekarpena artikuluko honetako Bat atalean aipatzen diren gutxieneko ekarpenen azpitik geratzen bada, bazkide interesdunek zenbateko horretara iristeko beharrezkoa den ekarpena egin beharko dute, Artezkaritza Kontseiluak eskatuta. Ekarpene hori Artezkaritza Kontseiluaren eskaera jaso eta hiru hilabeteko epean ordaindu beharko da.

**LAU.-** Batzar Nagusiak urtero finkatuko du bazkide berrientzako hasierako derrigorrezko ekarpena, eta derrigorrezko ekarpen berriak exijitzea erabaki ahal izango du, zenbatekoak (bazkide-mota bakoitzarentzat desberdinak), epeak eta baldintzak ezarriz. Ados ez dagoen bazkideak baja hartu ahal izango du. Baja hori arrazoitutzat hartuko da.

Batzar Nagusiak derrigorrezko ekarpen berriak erabakitzen baditu, eta kooperatiban bazkideen ekarpen boluntarioak badaude, horiek derrigorrezko ekarpen berriak ordaintzeko erabili ahal izango dira. Horretarako idatzizko eskaera bat egin beharko zaio Artezkaritza Kontseiluari, erabakia hartu zeneko egunetik hamar eguneko epean. Bertan ez zeuden bazkideei dagokienez, berriz, epe hori erabakiaren berri izaten duten egunetik hasita kontatuko da.

**BOST.-** Aurreko ataletan ezarritakoaren arabera, derrigorrezko ekarpenetan atzeratzen den bazkideak legezko interesa, eta bere berandutzeak eragindako kalteengatik ordaina ordaindu beharko dio Kooperatibari. Bazkide batek errekerimendua jaso eta hirurogei eguneko epean bere egoera normalizatzen ez badu:

- a) Derrigorrezko baja eman ahal izango zaio, berandutzea bazkide izateko eskatzen den hasierako derrigorrezko ekarpenean izan bada, edo **HIRUGARREN** atalean **LEHENENGO** atalekoarekin lotuta aipatzen den gutxieneko zenbatekoan gertatu bada.
- b) Kooperatibak egotzia izan daiteke gainerako balizkoetan.

#### **45. ARTIKULUA. BORONDATEZKO EKARPENAK**

**BAT.-** Batzar Nagusiaren esku dago bazkideek kapital sozialari borondatez egindako ekarpenak onartzeko akordioa hartzea ala ez. Beti ere, ekarpen horien baldintzak zehaztu beharko ditu, eta gutxienez:

- . Ordaintzeko epea.
- . Interes-tasa
- . Eguneratzea
- . Berreskuratzea
- . Eskuz aldatzea

Baldintzok, derrigorrezko ekarpenek dituztenak baino hobeagoak izan daitezke.

**BI.-** Artezkaritza Kontseiluak bazkideek borondatez egindako ekarpenak onartu ahal izango ditu, 4/1993 Legearen 59-2 eta 57-4 artikuluetan eta Estatutu Sozialaren 47. artikuluan ezarritakoaren arabera dagozkion ordainketa eta kopuruaren aldetiko mugak errespetatuz.

#### **46. ARTIKULUA. EKARPENAK EGUNERATZEA**

**BAT.-** Kooperatibaren balantzea, Zuzenbide Orokorreko elkar-teentzat ohartemandako modu eta onura berberen arabera bideratuko da.

**BI.-** Balantzea erregulatzearen ondoriozko gainbalioa, aurreko ekitaldietako galerak konpentsatzeko erabiliko da osorik, eta gainerakoa, Batzar Nagusiaren erabakiz eta honek zehazturiko kopuruetan, kapitala gaurkotzeko edo erreserbak handitzeko, derrigorrezko zein borondatezkoak.

#### **47. ARTIKULUA. EKARPENEN INTERESAK**

Kapital sozialera egiten diren derrigorrezko ekarpenek ez dute interesik sortuko, eta borondatezko ekarpenek, berriz, ez dute inolaz ere diruaren legezko interesa gaindituko.

#### **48. ARTIKULUA. EKARPENEN ESQUALDAKETA**

**BAT.-** Ekarpena eskualdagarriak dira, bai bizien arteko egintzen bidez, bai heriotzagatiko oinordetzagatik.

**BI.-** Bizien arteko egintzen bidez, bazkideen artean eta hiru hilabeteko epean bazkide egiteko hitza eman dutenen artean, ondorengo irizpideen arabera:

- Bazkide izateko konpromisoa hartu duenari egiteko eskualdaketa, bazkide gisa benetan onar dezatenaren mende egongo da.
- Ekarpen sozialen eskualdaketa batek ezingo du bazkide lagatzailearen ekarpena kokatu unean indarren dagoen sarrerako derrigorrezko gutxienezkoaren azpitik.
- Eskualdatutako ekarpena, hasierako derrigorrezko ekarpena egiteko erabili ahal izango du eskuratzailleak.
- Hitzarturiko eskualdaketak Artezkaritza Kontseiluari jakinaraziko zaizkio, eskualdaketak egiaztatu, kontrolatu eta erroldatzeko.

**HIRU.-** Heriotzagatiko oinordetzagatik ("mortis causa"), eskubidedunentzat izango dira bazkide izan eta horrela eskatzen badute. Bestela, lehenik eta behin bazkide egin beharko



dute. Bazkide izateko onarpena heriotza gertatu ondoko hiru hilabeteko epean eskatu beharko da.

#### **49. ARTIKULUA. EKARPENAK BERRESKURATZEA**

**BAT.-** Bazkide-izaera galtzen den kasu guztietan, hauek edo hauen eskubidedunek ahalmena dute ekarpen kooperatiboen itzulketa eskatzeko, baja gauzatzen den egunean luketen balioarekin. Baja gertatu den ekitaldia amaitzean egin beharreko balantzearen arabera egingo da ebaluazioa.

**BI.-** 14. eta 15. artikuluetan aipaturikoaren arabera baja arrazoituztat hartzen bada, ez da ekarpenetik inolako kenkaririk egingo.

Gainontzeko kasuetan, Artezkaritza Kontseiluak ondorengo kenkariak xedatu ahal izango ditu:

- %30erainokoa, bazkidearen kanporatzea gertatu bada edo hitzarturiko gutxienezko egonaldia ez betetzeagatik borondatezko baja arrazoitu gabetzat hartzen bada.
- %20rainokoa, arrazoitu gabeko bajaren kasuetan, borondatezkoa nahiz derrigorrezkoa izanik.

Kenkariok derrigorrezko ekarpenetatik kenduko dira eta borondatezko ekarpenetatik ez da kenkaririk egingo.

**HIRU.-** Ekarpena berreskuratzeko epea, behin baja hartuz gero, ez da bost urtekoa baino luzeagoa izango. Bazkidea hilez gero, eragile izandako gertakaria izatetik gehienez ere urtebeteko epean itzuli beharko zaie eskubidedunei diru-zenbateko hori. Epe hori finkatzea, Artezkaritza Kontseiluaren betebeharra izango da, kooperatibaren finantza-egoera eta bajaren baldintzak kontutan hartuz.

**LAU.-** Berreskuratzeko dituzten diru-kopuru horiek ez dira gaurkotuko, diruaren legezko interesak jasotzeko eskubidea izango bada ere.

#### **50. ARTIKULUA. PARTAIDETZA BEREZIAK**

**BAT.-** Partaidetza berezitzat hartuko dira 4/1993 Legeko 64. artikuluan xedatutakoaren arabera arautzen diren finantzazioak. Nabarmendu behar da horiek ez direla berreskuratu beharko jaulkipenetik edo kontratazio-datatik gutxienez bost urte pasa arte. Horien ordainketa kooperatibaren emaitzen arabera finkatuko da.

**BI.-** Batzar Nagusiak du partaidetza bereziak onartzeko eskumena eta dagokion erabakian zehaztuko ditu:

a) Jaulkipenaren diru-kopurua eta baldintzak. Inola ere ez dute emango Batzar Nagusian bozkatzeko eskubiderik, eta ezta Artezkaritza Kontseiluan parte hartzeko eskubiderik ere.

b) Bazkideei eta soldatako langileei eskainitako zenbatekoa, hirugarrenei eskaini aurretik. Ez da zenbateko osoaren %50 baino txikiagoa izango.

## **51. ARTIKULUA. SARRERAKO ETA ALDIZKAKO KUOTAK**

**BAT.-** Batzar Nagusiak ez du urtero ezein zenbatekorik ezarriko, Kooperatibara sartzen diren bazkide berrien sarrerako kuota gisa.

**BI.-** Batzar Nagusiak bazkideek ordaindu behar dituzten aldizkako kuotak erabakitzeke aukera izango du, aipatutako organoak zehaztutako aldizkakotasun, zenbateko eta moduarekin. Kuota horiek ez dute kapital soziala osatuko, eta ez dira bazkideari itzuliak izango.

Aldizkako kuotak Estatutu hauetan aurreikusitako bazkide-mota guztiei edota batzuei bakarrik eska dakizkieke.

## **52. ARTIKULUA. BESTELAKO FINANTZAZIOAK**

4/1993 Legearen 65. artikularen 3, 4, 5 eta 6 ataletan aurreikusitako edozein finantza-baliabide erabili ahal izango du Kooperatibak, beharrezkoak diren aurreko erabakiak hartuta.

## **53. ARTIKULUA. SOBERAKIN GARBIAK**

**BAT.-** Soberakin garbiak zein diren zehazteko, merkataritzako elkartetarako ezarritako arau eta irizpideak hartuko dira kontuan, hurrengo zenbakian zehaztutakoa kontutan hartuz.

**BI.-** Honako hauek hartuko dira kontu-sail kengarritzat:

- Kooperatibaren kudeaketarako emandako ondasunen diru-kopurua, balorazioa merkatu-prezioetatik gora egin ez bada.
- Lan-bazkideen lan-aurrerakinen diru-kopurua, Kooperatibaren jardueraren sektorerako zonan ordaindu ohi den mailatik gorakoa ez izanik.
- Kapital sozialari egindako ekarpenengatik, partehartze bereziengatik eta kapital sozialarekin batu ez diren laguntza eta finantzaketengatik sortutako interesak.
- Legez baimenduak eta bidezko diren amortizazioak.
- Kooperatibaren funtzionamendurako beharrezkoak diren amortizazioak.

- Indarrean dagoen legediak onartzen duen beste edozein.

#### **54. ARTIKULUA. SOBERAKIN ERABILGARRIAREN BANAKETA**

**BAT.-** Soberakin garbiak, aurreko urteetako galerak konpentsatzeko kopurua eta dagozkien zergak kendu ondoren, soberakin erabilgarriak dira.

**BI.-** Soberakin erabilgarrien banaketa Batzar Nagusiak erabakiko du hurrengo arauen arabera:

- a) Gutxienez % 30 Derrigorrezko Erreserbaren Funttsaren multzora eta Hezkuntza eta Kooperatiba Sustapenerako Funttsa; horietatik, gutxienez %20 Derrigorrezko Erreserbaren Funttsa bideratuko da, eta gutxienez %10 Hezkuntza eta Kooperatiba Sustapenerako Funttsa.

Hezkuntza eta Kooperatiba Sustapenerako Funttsa bideratuko den gutxieneko portzentaia bere erdira urritu ahal izango da, Derrigorrezko Erreserbaren Funttsaren diru-kopurua Kapital Sozialaren % 50 adinakoa izan arte.

- b) Gainerako soberakin erabilgarria Derrigorrezko Erreserba Banaezinaren Funttsa eratzera xedatuko da, etorkizunean gerta litezkeen galerak xurgatzeko edo konpentsatzeko helburuarekin.

#### **55. ARTIKULUA. DERRIGORREZKO FUNTSAK**

**BAT.-** Derrigorrezko Erreserbaren Funttsa ezin da bazkideen artean banatu, Kooperatibaren finkatzera, hazkuntzara eta bermera xedatzen delako.

Aurreko artikuluan aurreikusitako diru-hornikuntzez gain, bajaren bat dagoenean gertatzen den ekarpenaren kenketa ere nahitaez Funttsa hontara bideratuko dira.

**BI.-** Beste kontu-sail batzuetatik banaturik balantzearen pasiboan kontabilizatuko den Hezkuntza eta Kooperatibaren Sustapenerako Funttsa, Batzar Nagusiak zehaztuko dituen oinarritzko ildoak jarraituz, 4/1993 Legeko 68-3. artikuluan aurreikusten duen helburuetarikoren bat betetzen duten ekintzetarako bideratuko da.

Aurreko artikuluan aurreikusitako diru-hornikuntzez gain, diziplinaz bazkideei ezarritako zigor ekonomikoak ere nahitaez Funttsa hontara bideratuko dira.

Hezkuntza eta Kooperatibaren Sustapenerako Funttsarako izanik aplikatu ez den diru-kopuruak, hornikuntza gertatzen deneko hurrengo ekitaldian Euskal Herriko Zor Publikoko tituluetan gauzatuko da.

## **56. ARTIKULUA. BORONDATZEKO FUNTSAK**

Kooperatibak, Batzar Nagusiaren erabakiz, Borondatezko Erreserbako Funts bat eratu ahal izango du. Funts hori ezingo da banatu, eta galerak konpentsatzera xedatuko da.

## **57. ARTIKULUA. GALERA-EGOZKETAK**

**BAT.-** Galera-egozketa ondoko arauen arabera egingo du Batzar Nagusiak:

- a) 46-Bi artikuluaaren arabera, dagokion kasuetan eta ahal den zenbatekoan, balantzea erregulatzeko funtsari.
- b) Borondatezko Erreserbako Funtsei, dauden kasuetan, galera-kopuru osoa.
- c) Soberakin positiboetatik azken bost urtetan derrigorrezko fondora bideratu den batezbesteko portzentaia izango da Derrigorrezko Erreserbako Funtsari gehienez ezarriko zaion egozketa.
- d) Izandako funtzioaren arabera eta jarduera kooperatibizatuaren arabera, a), b) eta d) ataletan konpentsatu gabeko zenbatekoa bazkideei egotziko zaie. Bazkide bakoitzaren galerak indibidualizatu ahal izateko, ondoko banaketa eta parametro hauek hartuko dira kontuan:
  - Galeren % 90 bazkide erabiltzaileei egotziko zaie, eta gainerako % 10 lan-bazkideei. Lan-bazkiderik ez badago, % 100 bazkide erabiltzaileei egotziko zaie.
  - Ekitaldian zehar jasotako lan-aurrerakinen zenbateko osoa izango da lan-bazkideek jarduera kooperatibizatuan izango duten partaidetza neurtuko duen modulua.
  - Bazkide erabiltzaile bakoitzak ekitaldian zehar kooperatibara igortzen duen ikasle-kopurua izango da bazkide-mota horrek jarduera kooperatibizatuan izango duten partaidetza neurtuko duen modulua.

**BI.-** Aurreko atalean esandakoa kontutan izanik, hala ere ekitaldi bateko galera osoa edo zati bat indibidualizatu gabeko asignaziozko kontu batetara egotzi dezake Batzar Nagusiak, gehienez bost urtetako epean etorkizuneko emaitza positiboen edo dagokionean balantzearen erregulartzearen kargura amortizatzeakotan.

Bost urteak igaro ondoren, konpentsatu gabeko saldoa geldituko balitz, gelditzen den aldea uneko bazkideen artean banatuko da, artikulua honek aurreko ataleko d) letran dioenaren arabera eta bakoitzak konpentsatu beharreko ekitaldian eginiko jarduera kooperatibizatuaren arabera.

Aldi horretan baja emanik kanporatu diren bazkideei, konpentsatzeko gelditzen den galeren Funtsari dagokion zatia egotziko zaie.

## **58. ARTIKULUA. KONTU-IKUSKARITZA**

**BAT.-** Urteko diru-kontuak eta kudeaketa-txostena kanpo-ikuskaritzaren esku utziko ditu Kooperatibak, aginduzkoa denean edo 4/1.993 Legeak 72. artikuluan aurreikusten duen kasuren bat gertatzen denean.

**BI.-** Batzar Nagusiak izendatuko ditu ikuskariak, eta, horrela ez balitz, Artezkaritza Kontseiluak; kasu horretan, egiten den hurrengo lehen Batzar Nagusiari emango zaio izendapenaren berri.

## **VI. KAPITULUA. ELKARTEAREN AGIRIAK ETA KONTABILITATEA**

### **59. ARTIKULUA. ELKARTEAREN AGIRIAK**

**BAT.-** Kooperatibak honako liburu hauek eramango ditu behar bezala eta egunean jarrita:

- a) Bazkideen erregistro-liburua.
- b) Kapital Sozialera egindako ekarpenen erregistro liburua.
- c) Batzar Nagusiko, Artezkaritza Kontseiluko, Zaintza Batzordeko eta Errekurtsio Batzordeko akten liburuak.
- d) Inbentario-liburua eta Balantze-liburua.
- e) Egunkari-liburua.
- f) Beste legezko xedapenen bidez exijitutakoak.

Hauek denak, Kooperatiben Erroldak egokitu edo legezatuak izango dira.

**BI.-** Kontabilitateko idazpenak eta oharpenak edozein prozedura egokiz egingo dira, informatikoak ala ez. Ondoren, ekitaldia ixten denetik sei hilabeteko epean, korrelatiboki koadernatuak eta legezatuak izango dira, Kooperatiben Erregistroan.

Horren kaltetan izan gabe, aurreko atalean aipatutako organoen aktak, prozedura informatikoak edo antzekoak erabiliz eratzen direnak, Kooperatiben Erregistrora igorriak izango dira, behar bezala ziurtatuta, horiek onartu eta bi hilabeteko epean, legezatuak izan daitezzen.

### **60. ARTIKULUA. KONTABILITATEA**

**BAT.-** Kooperatibak bere jarduerari egokituriko kontabilitatea eramango du, Merkataritza Kodean eta gainerako legezko xedapen aplikagarrietan agintzen denaren arabera, eta erregimen ekonomiko kooperatiboaren berezitasunak errespetatuz.

**BI.-** Ekitaldia ixtean Kooperatibak egin beharko dituen urteko kontuak ondoko hauek dira: Balantzea, Galera eta Irabazien kontua eta Memoria, eta dagokion kudeaketa-txostena, urteko kontuak ikuskatzera behartuta badago.

**HIRU.-** Kooperatibaren ekitaldi ekonomikoa urte bateko irailaren 1ean hasiko da, eta hurrengo urteko abuztuaren 31n amaituko da.

### **61. ARTIKULUA. URTEKO KONTUEN GORDAILATZEA**

Kooperatiben Erroldan gordailatzeko, eta Batzar Nagusiak onartu zuenetik hilabeteko epean, urteko kontuak aurkeztuko ditu Artezkaritza Kontseiluak; baita, behar izanez gero eta dituen partaide guztiek izenpeturik, kudeaketaren eta diru-kontuen ikuskatzaileen txostena ere. Artezkaritza Kontseiluko kideren batek ezingo balu sinatu, espresuki adierazi beharko luke arrazoia.

## **VII. KAPITULUA DESEGITEA ETA KITAPENA**

### **62. ARTIKULUA. DESEGITEKO ERABAKIA ETA ARRAZOIAK**

**BAT.-** Kooperatiba desegiteko kausak izango dira:

- a) Estatutuetan zehaztutako xede soziala betetzeko ezintasun garbia.
- b) Organo sozialen funtzionamendua etetea, edota kooperatibaren jarduera arrazoirik gabe etetea (bi kasuetan bi urte jarraituz).
- c) Hamabi hilabetez baino luzeago mantendu izana Kooperatiba eraikitzeke legez beharrezkoa den bazkide-kopurua baino kopuru txikiagoa.
- d) Kapital soziala murriztea, estatutuetan ezartzen den gutxienekotik behera, eta hamabi hilabetetan gainditzen ez bada gutxieneko diru kopuru hori.
- e) Bateratzea edo guztizko bereizketa.
- f) Kooperatiba desegiteko adierazpena, erakundearen kitapen-fasea irekiko duen ebazpen judizialean barne hartua, konkurtsatu-egoeran dagoenean, Konkurtso-prozedurari buruzko uztailaren 9ko 22/2003 Legean aurreikusitakoaren arabera.
- g) Berariaz horretarako bildutako Batzar Nagusiak hartutako erabakia.
- h) Legez ezarritako beste edozein arrazoi.

**BI.-** Desegiteko erabakiak Batzar Nagusian bertaratutako edo ordezkaturako bazkideen botoen bi herenez osatutako gehiengoz hartuko dira.

**HIRU.-** Kausa horietako bat gertatuz gero, Artezkaritza Kontseiluak Batzar Nagusirako deialdia egingo du bi hilabeteko epearen barruan; Zaintza Batzordeak edo beste edozein bazkidek Artezkaritza Kontseiluari deialdia egin dezan eska diezaioke.

Artezkaritza Kontseiluak, edo interesa duen edonork, kooperatibaren desegite judiziala eskatu dezake, ondorengo baldintzak ematen baldin badira:

- a) Batzar Nagusirako deialdirik ez egitea.
- b) Estatutuek zehazten duten epean Batzar Nagusia ez biltzea.
- c) Batzar Nagusia bildu arren, desegite-erabakia hartu ez bada.
- d) Batzar Nagusia bildu arren, desegitearen aurkako erabakia hartu bada.

**LAU.-** Desegite-erabakia edo hala adierazten duen ebazpen judiziala, Kooperatiba Erregistroan inskribatzeaz gainera, Euskal Herriko Agintaritza Aldizkarian eta Gipuzkoan zabalkunde handia duen egunkari batean argitaratuko dira.

### **63. ARTIKULUA. KITAPENA**

Kooperatibaren kitapena 4/1993 Legeko 89. artikulutik 96. artikulura bitartekoetan ezarritakoaren arabera eta indarrean dauden eta aplikagarri diren gainerako xedapenetan ezarritakoaren arabera gauzatuko da.



## **AZKEN XEDAPENAK**

### **LEHENENGOA Kooperatiba-arbitrajea**

Kooperatibaren eta bazkideen artean edo bazkideen artean sor daitezken arazo gatazkatsuak, baita kitapen-aldian ere, kontziliazio-bideak agortu eta gero, derrigorrez, Euskadiko Kooperatiben Kontseilu Nagusiaren arbitrajepean ezarriko dira, betiere organo hori arazo horiek ebazteko eskuduna bada. Bi aldeek arbitraje horretatik ondorioztatzen dena onartzeko konpromisoa hartuko dute.

### **BIGARRENA Aholkulari juridikoa**

Kontu-ikuskaritzei buruzko Legean xedatutakoaren arabera, edota Kooperatibaren garapen-arauetan ezarritakoaren arabera, urteko diru-kontuak kanpoko ikuskaritza bati aurkeztera behartuta dauden Kooperatibek, aholkulari juridiko bat izendatuko dute Artezkaritza Kontseiluaren erabakiz.

Aholkulari juridikoak Kooperatiban Erregistratu behar diren eta Batzar Nagusian nahiz Artezkaritza Kontseiluan hartutako erabakiak sinatuko ditu, Zuzenbidez egokiak diren erabakiz.

Erabaki horien ziurtapenetan jasoko da erabaki horiek akta-liburuan azaltzen direla, aholkulari juridikoaren irizpenarekin.

Aholkulari juridikoak bide zibiletik erantzungo du kooperatibarekiko, bazkideekiko edo hirugarrenetikiko zabarkeria profesionalaren kasuan.

Funtzio horretan jardutea bateraezina izango da Zuzendari-Kudeatzaile karguarekin, eta baita Artezkaritza Kontseiluko edo Zaintza Batzordeko kide izatearekin ere.

Kooperatibaren eta aholkulari juridikoaren arteko harremana ondoko mota hauetakoa izan daiteke: zerbitzu-alokairukoa, profesional liberal gisa; lan-kontratukoa; edota sozietatekoa, lan-bazkide gisa.